

११३

दर्ता नं.:४८/२०७६/७७

पुर्खा दय्क तकगु सम्पत्ति, भीगु कला व संस्कृति  
**पिकाक-भक्तपुर नगरपालिका**



पुर्खा दय्क तकगु सम्पत्ति, भीगु कला व संस्कृति

**ह्वय्या**

नेपाल संवत् ११४३ दिल्लागा / २०८० साउन १ / 2023 July / ल्या: ८७, दाँ:५



**बुधप नगरपालिकाया  
हिंज्यकगु नगरसभा कथचाल**

सहकारी संस्थापाखं सामुदायिक विकास कोष ख्वप न.पा.ता  
ल: ल्हाय्गु इवल्य् (२०८० असार २१ गते)



नेन्हुया लेखा परीक्षण व प्यलाया प्रतिवेदन पिब्वयगु तालिम  
(२०८० असार १९ गते)



; Dkfb slo

@\*) ; fpg !, c<sup>a</sup>\$ !!#, jif%

## बजार अनुगमन अज बलाकय् मः

बञ्जपिसं म्याद फुगु सामानत मिडगु, अनुमति मरुगु सामानत मिडगु, तराजु नापतौल विभागं नवीकरण मयाकिगु, सामान ल्वाक छ्याडः मिडगु, न्यौ वडपुं उपभोक्तापिन्ता मचाय्कः मखय्क ठगय् याइ गुलिं अनुगमन याय् मःगु खः । उपभोक्ता संरक्षण ऐनं अथे मज्यगु मापदण्ड हाचांगायो मज्यगु ज्या याइपिन्ता वहे थासय् ज्वड डाट्टनिसें स्वंगू लाखतका तक (बं) जरिवाना, खुलातक जेलय् कुनय फःगु कानूनी व्यवस्था दः । अथेनं बजार अनुगमन याइगु निकायं सलाँता नाः त्वंकय्गु ज्या थें खःला खः जक याडः च्वंगुलिं जनतां कुंखिड च्वंगु दः ।

वञ्जतय्सं लबः नय्ता थी थी त्वह तयो ज्वीगु । रूस, युक्नेनया ल्वापुं सामानत मरुगु त्वहः तयो उपभोक्ता पिन्ता मिखापिडकः ज्या याडः च्वनिसा गुब्लें भारतं सामान छ्वयो महगुलिं सामान थिकय जूगु त्वहः तै । अलय बजार अनुगमन याइपुं नपां मिलय जुयो कडा कार्बाही याय मः पिन्ता नपां खःला ख काथं जक कार्बाहीयाडः च्वंपुं पदाधिकारीत खाडः जनतां शंका याड च्वंगु दः ।

अः केन्द्र सरकारनिसें स्थानीय सरकारतातक बजार अनुगमन याय्गु जिम्मा बियो तः गुलिं नं ग्यसुलाक याय् मफूगुला धायो च्वंगु नं दः । संघ सरकारता वाणिज्य आपूर्ति व उपभोक्ता संरक्षण विभागया मू ज्या हे बजार अनुगमन खः । अलय उगु संस्थां बजार अनुगमन खः थें मखुथें जक याडः च्वना धाय्गु अपलं जनतां कुंखिड च्वंगु दः । दाच्छिया दुनय विभागं ७८३ गू ब्यावसायिक फर्मतय्ता कार्बाहीयागु उकिं १ करोड ९८ लाख व गुड्प्यद्वतका दां जरिवाना पुड्कागु धःगु दः। गुगु धेबा मुस्यागवःछि जक धायो च्वंगु दः ।

अथेहे जिल्ला प्रशासनं नं इलय-व्यलय बजार अनुगमन याडः च्वंगु खानय् दः सा स्थानीय तहता नं बजार अनुगमनया अधिकार बियो तः गु दः । सरकार व थुगु निकायपिनि दश्वी ज्यापा मिलय मज्जगुलिं बजार अनुगमन ग्यसुलाक याय् मफगु खानय् दः ।


ख्वप नगरपालिकां छगु अनुगमन समिति दय्कः मदिक्व अनुगमन याडः च्वंगु दः । उगु इवलय पसः (नां मजायक पुं) दर्ता मयापुं, म्याद फूगु वस्तुत मिडपुं, धः तालाजु नवीकरण मयापुं, ल्वाकः छ्याडः सामान मिडपुं, मनूतय्ता कार्बाही याडागु खाँ अनुगमन समितिं धायो च्वंगु दः ।

बञ्जतय्सं मभिंगु सामानत म्यगुलिं न्याइपुं उपभोक्ता पिनिगु ज्यू स्यनः धःसा उकिता मः काथंया वास नपां क्षतिपूर्ति नं बियमःगु कानूनी व्यवस्था दः । अलय उपभोक्त पिसं थजगु खाँ मस्यगुलिं अदालतय् उजुर यो वानिपुं दहे मरु धःसां ज्यू । थुकिं ज्यूगु मज्यगु ज्या याडः भुरि तग्वयक नयो ट्रैचिकं लब नः पिन्ता तस्कं सञ्चो जुयो च्वंगु दः । सुनं अन्याय यासा थथे याता जक धाय्गु मखु उकिय विरुद्धय सः श्वयकेगुनं उपभोक्ता पिनिगु ज्या (कर्तव्य) खः । धिसिलाक अनुगमन याय् फःसा उपभोक्ता त थः नं सचेत जुय फःसा बञ्जतय्सं मज्यगु सामान मियो ठगय् याय् फैमखु । उपभोक्तापिन्ता भिं याय्ता अमिगु हक या लागिं दयकः तःगु अनुगमन समितिं जनताता ग्वाकः ग्वाकं अनुगमन अभ्क बांलाक मयासैं मगा ।

पिकाक-ख्वप नगरपालिका/सम्पादक-आशाकुमार चिकबञ्जार, डेस्कटप-धन लक्ष्मी त्यात, आवरण सज्जा-रेणु ध्वज्, थाकू- भक्तपुर अफसेट प्रिन्टर्स फोन ल्याः ०१-६६९३०४३, इ-मेल- khwopapau@gmail.com

## सच्छिदा लिपाया स्वप दे

- नारायणमान बिजुक्छें (रोहित)



ख्वप देता पर्यटकीय गन्तव्यस्थल व शिक्षा व संस्कृतिया मु थाय् दय्केगु खाँ या छपुलु,

ख्वपया जिल्लाया देया न्हापांगु स्मारक संरक्षित जिल्ला नपां पर्यटकपुं छकः मवसें मगागु थाय् अथेधाय् गन्तव्यस्थल दयकेता हिंडादाया दुनयँ न्हापांगु साक्षर व छखाँ छँ छम्हा स्नातक व उलिहे जःपु नाचगान वा किपाचवज्या याइपुं कलाकार (च्वमि), कासामिपुं व भाय् सः पुं भाषाया ज्ञाता प्, होटल व्यवस्थापन याइपुं व पर्यटक (लाँजु व पुं) गाइडपुं वा हस्तकलाया शिक्षक ब्वलांकय्ता अलय भीगु न्हँगु पुस्ताता न्हँगु शर्दिया योग्य नागरिक दयकेता भीफुकं मिलय जुयो चिन्तन व मेहनत याय् ।

राजधानी नपां स्वापु दःगु नपां देया दकलय् चिच्याहांगु जिल्ला, गा.वि.स.सं मोटर वांगु लाँ स्वागु, स्वास्थ्य चौकी, प्राथमिक व निम्न माध्यमिक, माध्यमिक व उच्च माध्यमिक स्कूलत नपां दःगु, थ्यं मथ्यं ३० प्रतिशत जनसंख्या ब्वडः च्वंपुं दःगु नपां दाच्छिया थ्यं मथ्यं एक प्रतिशत स्वयो अपः ता अनौपचारिक शिक्षा वा प्रौढ शिक्षा पाखं साक्षर (आखः सःपुं) याय्ता अभियान नपां न्ह्याकः च्वंगुलिं हिंडादाया दुनय् भीगु आजू प् वानि ।

नगरया नेगू प्यंगू वडा व नेगु प्यंगू गाविससं ८० प्रतिशत जनता आखःसःपुं साक्षर खानय् दःगु, जिल्लासं मिजंत ८५ प्रतिशत व मिसात ४२ प्रतिशत याडः छ्याय् फ्वाय् याडः ६३ प्रतिशत आखः सः पुं साक्षरत दःगु, छ्याय् फ्वाय् याडः स्वयबलय् नेगू प्यंगू वडाया

छगू छगू परिवारय् छन्हा (SLC) प्रवेशिका परीक्षा पास जुपुं खानय् दःगु, छगू नेगू वडाय् २५ प्रतिशत परिवारय् छम्हा स्नातक, स्नातकोत्तर पास जुपुं दःगु ल्या खं क्यं । दायँ नेद्व स्वयो अपःमिसा मिजं ब्वनामिपुं प्रवेशिका जाँच ब्यगु खानय् दः ।

जनजातित व दलित (क्वयया) जाति धः पिनिगु गां व लागाय् शिक्षाता हदाय् तयो ज्यासांसा, प्यंगू डागू गाविस खय् माद्यमिक ब्वनय् कुथि तयो बिय फःसा, प्राथमिक व निम्न माध्यमिक ब्वनय कुथिता च्व जायकेता शिक्षकपिन्ता तालिम व बांलापुं शिक्षकपुं व्यवस्था याय्फःसा फुक्कका फुक्क ब्वनामिपुं मखुसां ९० प्रतिशत परीक्षार्थीपुं पास याय्गु तातुड फुक्कसिनं कुतः या सा भीगु तातुना व मतियाथें प् वानि । खालि थथे हे याय् धायगु संकल्प व मंकः कुतः दय्मः ।

शिक्षा व रोजगार ला व लुसि थें स्वापु दःगु विषय जुगुलिं शिक्षाता स्वाभाविक विकासया थासय् व्यवस्थित काथं हछ्याय्गु कुतः याय्मः नपां प्राविधिक व लाहातय् ज्या दैगु रोजगारमूलक ब्वनयकुथित हछ्याय्गुलि बः याय् फःसा लाहातय् ज्या मदयकः च्वनय् म्वालिगु जुई । अजगु समस्यां ज्यंकय्ता प्राविधिक शिक्षाता बः याय्मः ।

उकिया दथ्वी छुं पंगःत मवसा, जिपुं जनप्रतिनिधिपुं शिक्षाप्रेमी, बुद्धिजीवीपुं, अभिभावकपुं नपां शिक्षा कार्यालय व फुक्क शिक्षकपुं लागि परय जूसा ख्वप जिल्ला न्हापांगु साक्षर व छगू छगू परिवारय् छम्हा स्नातक पास जुपुं, पारदर्शी (न्हयकनय् स्वयथें) भ्रष्टाचार मरुगु, स्मारक ल्यंकः म्वाकः तःगु, कला व संस्कृति म्वाकः तःगु नपां थःगु म्हासिइका पिब्वय फःगु जिल्ला दय्के फैं ।

ख्वपया जनताया छम्हा सांसदया नातां थ्व नं हॉ 'कला व संस्कृति संरक्षक विधेयक' नपां 'उपभोक्ता संरक्षक विधेयक' पिब्वयो देश व सरकारता छपू उपाय व लाँपु क्यनय्गु ज्या याडा थें सांसदया वैगु २१ कगु अधिनेशनय् 'सांस्कृतिक नगर' या विषय छगू विधेयक पिब्वयगु जुयो च्वंगु दः ।

खयां जिमिसं स्वनिगलं हे गलैँचा, तयारी पोशाक, डाइड्ग थजगु प्रदुषण याइगु उद्योगत मेमेगु जिल्लाय् सन्तुलन ल्यनिगु काथं व्यवस्थित याय्ता, नपां राजधानीता छगू राजनैतिक व सांस्कृतिक केन्द्र दयकेता सःतयो वयो च्वडागु दः । उगु आजु प् वान धःसा त्वनय्गु नाः या समस्या, फोहर मैला, अप्वयो वगु अपराध, यातायात अपः दयो वगु नपां प्रदुषण थजगुलिं स्वनिगः मुक्त जुई ।

(ख्वप जिल्लाता पर्यटकीय गन्तव्य नपां शिक्षा व संस्कृतिया मू थाय् दय्केगु' विषयसं ख्वपया अरनिको सभा भवनसं २०५८ माघ २१ गते ग्वसःग्वगु वृहत छलफल कार्यक्रम सं पिब्वगु विचः)

## स्वपता सङ्घ व प्रदेशं छाया महितां स्वता ?

विवेक

स्वप दे अपलं मनूतय्गु सय्के सिद्धकेगु व ब्वनय्गु (अध्ययन)या थाय् जुयो वगु दः । शिक्षा, स्वास्थ्य, सम्पदा ल्यंकः म्वाकः तय्गु, सुचुकुचु थजगु विषयसं स्वप नगरपालिकां याडः च्वंगु ज्यात स्वयो सय्केता प्रतिनिधि सभा, राष्ट्रिय सभा, प्रदेश सभा व स्थानीय तहया पदाधिकारीपुं स्वप देशय् त्वः मफिडक स्वः वय्गु याडः च्वंगु दः । छगू ब्वस्यलागु नगरकाथं हज्याडः च्वंगु स्वप देता संघ व प्रदेश सरकारं धःसा बांलागु मिखालं स्वयो च्वंगु मरु ।

श्वहे असार १४ गते राष्ट्रियसभा विधायन व्यवस्थापन समितिया माननीय सदस्यज्युपुं स्वपय् भायो स्वप नगरपालिकां यागु थीथी पक्षया खाँ न्यडः सय्कः थुडकः वाना । उगु पुचः या अपलं दुजः पिसं स्वप नगरपालिकां 'समाजवादया आधार दयक च्वंगु' दकः लय्ता नं प्वंकला । उकिमध्ये छम्हा माननीय जुं अ-तक छाया स्वप विश्वविद्यालय स्वीकृत मयागु दकः न्ह्यसः तला । नगर प्रमुखं उब्ले तप्यंकः लिसः बियो दिला- 'थुगु न्ह्यसः जिमिसं छिक पिन्के हे न्यडः च्वडा । जिमिसं मःगु फुक्क प्रक्रियात पूवांक सांसदपिनिगु लाहातय् लाहातय् स्वप विद्यालयया विधेयक थ्यंका । फुकं प्रक्रिया पू वाडा नं विधेयक छाया पारित मजुला धाय्गु खाँ अः माननीय जु पिसं जनताता लिसः बिय मः ।' नगर प्रमुखया लिसः न्यडः सांसद जु पुं वं वयाय्गु स्वः स्वयो सुंकः च्वना ।

जनप्रतिनिधिपुं नपांया अनौपचारिक छलफलसं माओवादी नपांया छम्हा सांसदं स्वप विश्व विद्यालय स्वीकृत मजुगुया नेगु खाँ काना- न्हांगु राजनीतिक हुनि व मेगु जातीय खायँ । वयकलं अभ् ध्वाथुडकः

धायो दिला - नेपाल मजदुर किसान पार्टी गुब्लें हे सरकारय् वानिगु मखु । छगू छगू ज्या खायँ भागवण्डा जुडुगु थासय् नेमकिपा सरकारे मवांगुलि हे विश्वविद्यालय स्वीकृत मब्यगु खः । मेगु खाँ खः च्वय च्वय (सरकारय्) फुक्क ब्रम्हु तै ब्रम्हुत जक, छिकपुं नेवःजुल अलय छाया बिई स्वप विश्व विद्यालय ? ख्यो यायां धःगु थें च्वसां माननीय जुया खाँ मखु नं धाय् मछिं ।

स्थानीय तहं शैक्षिक संस्थात चाय्कगु मध्ये स्वप नगरपालिका, नेपः याय् हे दकलय् न्हापांगु नगरपालिका खः । अः स्वप नगरपालिकां च्यागु शैक्षिक संस्थात ब्वस्यलाक, च्वजाय्कः न्ह्याकः च्वंगु दः । अपलं विषयलय् स्नातकोत्तर तर्गितक चाय्कः व्वंकः वयो च्वंगु स्वप कलेजत स्वप विश्व विद्यालय काथं हज्याडः च्वंगु दः ।

बजेट इय्गु इवलय नं संघ व प्रदेश सरकारं उलि हे पाकः ज्या याडः च्वंगु दः । संघ व प्रदेशं थः ता तहाम्हा (ठालु) हे भः पियो च्वना । स्थानीय तह जिमिस ब्यसाजक दैपुंयां खः नि जक 'मालिक' या पह क्यडः च्वना । राजश्व इड बियगु छगू संबैधानिक अधिकार खः अलय विधिसम्मत (नियमकाथं) हे इड बियमः धाय्गु संघीय व अर्थ मन्त्री तय्सं लुमांकः छ्वता । चाकरीयापिन्ता जक बजेट तय्गु ज्या याड मन्त्रीतय्सं पञ्चतय्गु बानी हे कः घाडः जुला ।

स्थानीय तहतय्ता कानून काथं सशर्त, सामाजीकरण व विशेष अनुदान वियगु कानूनी व्यवस्था दः । सशर्त अनुदान स्थानीय तहं थः ता मः काथं छ्यलय फैं मखु । संघ व प्रदेशं गना खर्च यो धाला आना हे खर्च मयासिं मगा । संघ व प्रदेशं ल्यःगु योजना

स्थानीय तहं छ्यलय्गु जक खः । उकीं सशर्त बजेट अपः म्हवःखं उलि पाइ मखु । अथेनं कानुनं तय्मः दकः ब्यवस्था याडः तः काथं फुक्क स्थानीयतहसं छगूनं छगू योजना धःसा मब्यूसें मगा । सशर्त बजेट धाय्गु संघ व प्रदेशं स्थानीय तहता योजनाया लिधंसाय् म्हूछिड तय्गु छगू ज्या भः थें खानय् दः ।

फुक्क धाय्थें स्थानीय तहया माग अनुदान अपः बियम धाय्गु खानय् दः । अलय् अकिया अखः अनुदान म्हवँ याडः सशर्त बजेट अपः वियो च्वंगु दः । आ.व. २०७५/७६ सं स्थानीय तहख्य् छ्वयो हैगु मुक्क अनुदानय् सशर्त थ्यं मथ्यं ५३ प्रतिशत दः सा २०८०/८१ ख्य् उकिता ५७ प्रतिशत थ्यंकला । अभ् चालु वर्षया लिपाया प्यलाख्य् संघं छ्वयो हैगु अनुदानय् बच्छी बजेट म्हवँ यासेलिं अपलं स्थानीय तहया विकास निर्माणय् पंगः वल, वैगु तिनि ।

संघीयताया विचः ज्वडः हज्याय्गु खःसा संघं देया सीमा (च्यें), मुद्रा प्रकाशन, सुरक्षा व्यवस्थापन, परराष्ट्रनीति व राष्ट्रिय गौरवया योजना ख्य् जक विचःयाडः स्वयो हज्याय मःगु खः । अलय् नेपालय् संघ व प्रदेश सरकारं १-२ लाखया चिच्याहंगु योजना ख्य् नपां बजेट तय्गु याडः च्वंगु दः । श्व संघीय व्यवस्थाख्य् बांलागु लक्षण मखु ।

संविधानकाथं हज्याय्गु खःसा नं अनुसूचिख्य अधिकार स्पष्ट च्वयो तःगु दः । अपलं विषयत मंकः धल ख्य् तयो तःगु दः । संघीय छ्यःगु खुदा फुयः धुंकानं मंक धलः (साभा सूचि) या कानुन अः तक मदय्कनि । अलय् दयकेगु सुननं मति नं मतनि । थुकाथं भी सांसदपुं कानुन दयकेगुलि गुलि गम्भीर खानय् दः धाय्गु सिय दः । देश हुकुमं मखु कानुनं ह्छ्याई धाय्गु खाँ भीपुं संघ व प्रदेशया

## सच्छिव हिस्तंगू खप पौ. बःछि पौ(पाक्षिक)

मन्त्री पिसं थुइके मःगु खः ।

सेवा वियागु व स्थानीय पूर्वाधार दयकेगु जिम्मा यां स्थानीय तह यायगु हे खः। थजगु इलय नं चिच्या-चिच्या हांगु योजनाय नं संघ व प्रदेशं लाहातयगु, अज खारेज जुय धुंकेगु सांसद विकास कोष म्वाकः ह्यो हकनं सांसदपिन्ता बजेट तयगु संघीयताया भावना व मतिया अखः खः । संघं हे सांसदपिन्ता बजेट छखय लिइकः ब्यूसेलिं फुक्क प्रदेशं नं थः थः पुं सांसदपिन्ता बजेट तयो बियगु लॉपु चाल । सांसद पिनिगु गरिमा नेगू प्यंगू करोड बजेट विकासया धेबा इड बियो च्व जाइगु मखु । थुजगु ज्याखं जनतां सांसद धायपुं विकासे कार्यकता काथंजक थुइकिगु जुल । जनताता भियाइगु न्हँ न्हँगु कानून दयक ब्यूगु खःसा सांसदपिनिगु इज्जत च्वनिगु खः। थुजगु खाँय सांसदपिसं बिचः मयासँ मगा ।

संघ व प्रदेशं स्थानीय तहता थःथःगु लाहातय म्हुँछिडः तयगु अलय तजबिजया अधिकार जक बियगु विचः याडः च्वंगु खानय दः । संविधान व कानूनय संघीयता वल धःसां सिंहदरवारय च्वपिनिगु दिमागय अःतक नं एकात्मक सोचं थाय कायो च्वंगु दः । भ्नी सांसदपुं थुगु थासं प्याहाँ वय हे मफः नि । संघीयताया खाँय न्ह्याब्लें तः तः सलं हालः जुपुं माओवादी व मधेसी दलत खः । अः माओवादीया न्हयलुवाय हे सरकार व गुलिं प्रदेश सरकार दः । अथे

संघीयताया नामय एकात्मक शासन प्रणाली लागू याय ताडा नं नुमवासँ च्वंगु जक मखु थः हे हचिलः च्वंगु दः ।

वागमती प्रदेश माओवादीया न्हयलुवाय हे दः । थुगुसीया आ.व. २०८०/८१ या लागिं छखयलिइकगु बजेटय ख्वप नगरपालिकाया लागिं सशर्त व विशेष अनुदान बजेट छतिं हे मतः । थ्व मुख्यमन्त्री व मन्त्रीया तजबिजया विषय हे मखु । छगू छगू पालिकां शुत्रया लिधंसाय काय दैगु हक खः । खयां बागमती प्रदेशं छ्वयो हैगु प्यंगू डागु करोड धेबा ख्वप नगरपालिका चलय जुइगु नं मखु । अथेनं संविधान व कानूनं मब्यूसँ मगा धायो तः गुलि हे विपक्षी पार्टीं त्यागु पालिका धायो बजेटय सिय दयकः पाकः ज्या याः सा अजपुं शासकपिनिपाखं नेपःमि पिसं विकास व समृद्धिया छु आशा याइगु ?

ख्वप नगरपालिकाता विशेष व समपूरक बजेट छखय मलिइकगु खाँय नगरपालिकाया पदाधिकारीपिसं न्यंगु इलय प्रदेश पदाधिकारीपिसं ख्वप नगरपालिकां छु नं योजना मफ्वंगु धायो मखुगु खाँ ल्हाता । कानूनं धःगु इलय हे निवेदन दर्ता यागु, मन्त्रीया लाहातय थ्यंकः ब्यूगु दः नपां अनलाइन पाखं इलय हे योजना छोयो हयागु दसि नपां क्यंगु इलय मन्त्रीपुं त्वाप्वः तिडः च्वना धःगु न्यनय दः ।

योजना व बजेटया नामय ख्वप नगरपालिकाता संघ व प्रदेशं क्वय यायगु (दोश्रो) दर्जा तयो व्यवहार याडः च्वंगु जनप्रतिनिधि पिसं मनय ग्वाकगु दः । व पक्षपात व महिता ज्यायाता ख्वप नगरपालिकाया जनप्रतिनिधिपिसं अभ् बांलाकः जनताया सेवा याडः म्हुँतिई जायकः लिसः बिइगु आशा याडः च्वंगु दः ।

ख्वपया जनता अन्यायया विरुद्धय ल्वाय्सः अलय सुया हनय कपःक्वछुकय मसः । पञ्चायती निरड्कुशताया विरुद्धय स्वीदातक ल्वाता, अः नेका, एमाले व माओवादी थजपुं पुँजीवादी शासक दलपिनिगु देशघाटी व जनविरोधी ज्याया विरुद्ध ल्वाडः च्वंगु दः । समाजवादी विचः ज्वडः हज्याडः च्वंगु जनता पक्षपात व महिता ज्याया विरोध्य मदिक्क हज्याडः च्वंगु दः ।

ख्वप नगरपालिकापाखं चायक तःगु ख्वप अस्पतालं चालु आ.व. २०७०/८० या हिँछलाखय नेगू लाख स्वयो अपः विरामीपिनिगु उपचार याता । ल्वगि अपलं अः क्यँ वसेलिं उकिता बिचः याडः सुबिधां जःगु अस्पताल दयकेता नगरपालिकां संघ व प्रदेश सरकारकय सिटीस्वयान, एमआर थजगु स्वास्थ्य उपकरणत बिया दक तः क हे पौ च्वगु खः । वैगु दायँया बजेटय न संघ सरकारं न प्रदेश सरकारं ख्वप अस्पतालता बजेट छखय लिइकला । ख्वप नगरपालिकां हे मः काथंया बजेट व्यवस्था यायगु खाँ न्यडः ख्वपया जनतां लयता प्वकला । ख्वपया जनतात का.रोहितया धापु न्यडः हज्याडः च्वंगु दः व खः 'थःगु तुतिखय थः हे दानयगु ।' थजगु आत्मनिर्भर ख्वप दे जुय फःसा जक थानाया जनताता कपः धस्वाकः म्वायगु लकस विय फँ । उकिंहे ख्वपया जनताया कन्हेया दिन चकानी । ख्वप दे थ्वहे लॉपु ज्वडः हज्याडः च्वनिगु विश्वास दः ।



ख्वप अस्पताल

## विश्व घाःया मिखा - लेलिज

पूर्ण वैद्य

न्याक्व हे छाःगु न्ह्यसःया नं  
छगू याउँगु यकीन लिसः थें  
भसुकालं ज्वःगु छु यायेया  
छगू सशक्त जवाफ थें  
लेनिन !

जिके, छंके थःगु परिभाषा का वयाः  
सर्गः थें चकंगु  
भन्हायपाःगु छपाः न्हायकं न्ह्यःने  
जिं थःगु ख्वाः म्हसीकः वया  
थःत क्वथुङ्क बवंवया ।

न्याक्व हे जबरगु पःखाः, पर्वः नं  
थुनाः ह्वखनाः पिचायेक वंगु छगू लँ थें

विश्व घाःया हे त्यल्लागु मिखा  
लेनिन !

बज्र शिलापत्रया श्व नुगः, छ्यं  
सिमन्तिया अंग, पःखा थें  
थुनाः तछ्यानाः त्वाल्हानाः थःत  
तानाः स्वानाः मिलय् याना

जिं थः त दयेकाच्चना

छम्ह विश्वकर्माया विशाल शरीर न्ह्यः ने  
हाम्बः नं च्यायेत वयाच्चना ।

सम्पूर्ण शक्तिया छपु सिखः थें

समग्र म्हगसया पुचः छगू चकंगु सुथ थें  
लेनिन !

विश्व व्यापी छंगु मिखाया ह्याउँगु ज्योति  
सशक्तित जिं थःगु पलाः खनाच्चना

थःके थःगु हि माः वयाच्चना

थः के थःगु सः न्यंवयाच्चना

खिउँथाय् त्वफ्यम्ह सु ? जिं थःके हे न्यनाच्चना ।

जिं थःत माः वयाच्चना

जिं थःत थंया मालाच्चना

छंगु ल्हाः, तुति, बाहेक छातिइ व छ्यनय्

बः बः कया ।

ल्हाःया ल्हाः मुगः

तर युग युगं ध्याचलय् तुंक न्ह्याःगु

प्राणया प्राण ई

तर वंश वंश बल्लागु बूथं न्ह्यातःगु

छं ल्हवना थुलि च्वय् तयाबिल नगु नापं ह्याउँगु सर्गतय्

कि सुनां वयात थस्वया थुङ्की ?

वया तज्जागु तपुलि पगरी

बँय् धुलय् कुतुं मवसे मगाः ।

महात्मा लेनिन !

जिगु युगया उद्धारक

क्रान्तिकारी शब्द- सार्थकता सफू म्हुतुइ मखु

जिं छंगु म्हूछिनाच्चंगु ल्हाती ब्वना

प्रयोगशालाया न्ह्यःने वैज्ञानिकं थें

मां बौया न्ह्यःने मचा थें

मगयासैं धाये फयाच्चना !

जिं थौं छंगु ख्वाः स्वयाः

आखिरय् मन् सु ?

महान् सु ?

(सितु ६:३५)

लेनिन सच्छिदं बुदिं विशेषाङ्क

१०९० ग्रीष्म (चिल्ला-चउला)

## प्यम्हा गजिगुलु पासापिं

छथाय् देशे (नगरे) नांदपि प्यम्हा गजिगुलु पासापिं दया- च्वन । इपिं प्यम्हासिनं मचांसिं गजि त्वनेगु लठ लगेजुजुं गजि त्वनेगु बानि त्वःते मफया वल । प्यम्हा पासापिं नं बन्ही जुल धायेव बेलि सिधेवं छँ हे च्वने लापिं मखु, जा नया म्हतु हुहुं हे छँ प्याहाँ वैगु, वं वैगु छँ क्वये वना सुइट सुलु पुइगु, अथे सुलुपुया वं वैत सःता प्यम्हं छथाय् जम्मा ज्वीगु मारीसंक गजी न्हाइगु । अले गजि चिलमे गजि स्वःथना मितया “वम् भोले नाथ् ।” धाधां गजि चिलं भागी याना गजि सालिगु अले कुं पिकया लठ जुया स्वया च्वनीगु । थुगुहे कथं गजि २-३ चिलं त्वना चान्हे पाखे लिवाक्क जक छँ दुहाँ वैगु चलन जुया च्वन ।



थुगु कथं गजि त्वँत्वं इमिगु ज्यु स्यना वल । प्यम्ह गसि जुजुं वलकि च्वलेचा त्वा ख्वा जुया वल । उखे इमि बौपिनि धन्दा जुया वल, छु कारणे थथे काय्पिं गंसी जुया वै च्वन, चेवा काय् माल धका छन्हु सल्लाह याना स्वःजूवले थः थः काय्भाजुपिं चरित्र वॉलक हे खन । अथे मजिल थुमित छँ पित है मछोसे कुना तयेगु हे उत्तम ज्वी धका गोसा याना थः काय्पिन्त कन्हेखुन्हुनिसें पित हे छोया महल, जाखं नं कोथाय तया हे नकेगु याना खुँ कुने थें कुना तल । ४-६ न्हु ला कुना तया तल । अथेसां न्हिथं गजिक्ुं सालेगुली वानी ज्वी धुंक्पिं गबले अथे च्वने फै । छम्हासिनं खापा हे स्पंका ग्वाली लेंथना पिने बिस्पू वन । छम्हासिनं इयालं हे प्याहां वन, छम्हासिं कोठायगु बहे म्हया कोठा पौ लिक्या छँ प्याहां वना हाकनं सिट् सायट् सुलु पुया थःगु थासे तुं मुना गजि न्हाया कुं साला च्वन ।

“आ भ्नी बल्ल बल्लं थथे प्याहाँ बये खान । आ थः थः गु छे वने मखुत मेथाय् हे देशे विस्पू वने माल” धका प्यम्हासिया सल्लाह साहूति दय्का व देश त्वःता मेगु हे देशे वने धका प्यम्हं लँ लिना वना च्वन । ववं ववं सापहे त्यानुल प्वाथय् नं पित्याना सितार थाना हल, निभाद्यः नं लुकुं बिइन । गनं बासं च्वने धका प्यम्हासियां उखें थुखें स्वया जुल, तर सुनानं हे बास तयेगु खं मल्हा । आखीरय् अनहे च्वंम्हा जुजुया थाय् तक नं श्व खँ थ्यन, जुजुं ईमित अनहे मसाने वास व्यु धयागु हुकुम जुल । उकि इमित आनाहे मसान छथाय् वास तयेकल । ठीक उथाय् लाक्क हे सिथं हया च्वपिं छखलः वल । व थासे गथे धासा अन सीम्हा उना च्वने हे लाईगु मखु, लाखेलसीत वया तुरुन्त हे सीम्हा सिगु ला भाग तया नया थकिगु जुया च्वन । उकिं व सिथ हःपिंत

तापाकं श्व दृष्य स्वया च्वंगु जुया च्वन । बन्हीजुल वहे मसानं भति तापाक्क व प्यम्हा पासापिं वास च्वनेगु ग्वसा यात । अनहे वासं च्वंथाय् गजि न्हाया खूब साक्क गजि साला अनेक गफसफ याना द्यनेत ठीक यात, “अथे मखु । स्वम्हा द्यना च्वनेगु, छम्हा पा च्वनेमा” धयागु निश्चय याना स्वम्हं द्यन छम्हा गजिगुल्या पाच्वना वन ।

बाचा ई जूबले अन छथाय् ततः सकं न्हायोगु हासः ताय् दया वल । व पाः च्वना च्वंम्हा गजिगुल्या मने उत्सुक जुल, गनं चाया राती थुजोगु न्ह्यसः वःगु ज्वी छको स्वःहे वने धका तीजक स्ववंबले अन मसाने ला लाखे लसीं तये सीम्हा मनूयागु ला तानाताना भाग तथा च्वंगु खन ।

ग्याना काचा काचा अन सत्तीक तुं च्वंगु सिमा समाय् च्वये गया व गजिगुलुं लाखे तयेगु चरित्र स्वया च्वन । थुखे सिमा क्वये लाखेतये भाग तई तई छगू भाग अप्पो जुइगु । न्ह्याथे हे याना भाग तःसां छभाग अप्पो जूवनिगु जुया लाखय्तये ला अजु चाया च्वन ।

“अवश्यतं थन सुं छम्हा दै” धका लाखेतसैं सीकल चाकःमकलं च्वे क्वे मातु माला स्वःबले वहे सिमा गया च्वका चाय, च्वंम्हा गजिगुलु खन ।

“का, क्वाहाँ वा । याकनं” छम्हा लाखे धँःवा पिकया गर्जे जुल ।

गजिगुलु नं सरासर हे सिमां क्वाहाँ वया मग्यासे लाखे तयेगु बगाले न्ह्योने दन ।

“का, मनुष्य, छन्त बल्ल क्वा क्वा हि ला नये दत थौं । का द्यःया नांका” लाखेनं धाल ।



## सच्छिव हिंस्त्रंगु स्वप पौ. बःछि पौ(पाक्षिक)

अथेसां गजिगुलु ला कम मजू, ग्यागु नं भतिचा हे मखु ।

वला छुं हे मधासे छको भुले जुया च्वन अले सापजिक न्हिला हल । लाखयतला अजु चाल, मनु न्ह्यगु खना भति गथे गथे थें लाखेतनं भसके जुल ।

“धा, छाया न्हिलागु ?” लाखेनं धाल । तर व गजिगुलु भन् जक न्हिला च्वन ।

“का, जितः छुं याये मखुसा, जक न्हिलागु कारण धाय,” “कराल नि या” धका गजिगुलुं धाल ।

लाखेतसें “का छुं याय मखु” धका कराल लहात ।

“स्व जिमि जुजुं छुं थें ज्वःपिं १०८ लाखेत खाके माल, लाखे तयेत म्वा म्वा हे मी दुया होम याइगु जुया च्वन ।”

“गुलि लाखेत ला जिं ज्वना तयागु नं दु, थन हे, स्व” गजिगुलुं सुरे जुया थःगु म्हिचां न्हायकं छपा लिक्का लाखे तयेगु ख्वाले न्हयोने तया बिल ।

न्हायकने दुने थःगु हे ख्वापा खंबले लाखेत ग्याना फसाद जुल । हिरा मोति लुं

बिया छोये नयेमते धका लाखेतसें वैत छे ब्वना यंकल । इमि छेयापि लसीतये ला आ थौं तिनि क्वा क्वा ला हि नये दत, धका दंग जुया च्वन ।

“स्व श्वईत नय मज्यू भीत हे ज्वना यंकिम्हा उकिं वैत धन सम्पत्ति गाक्क बिया छोये माल” धका लाखेतसें धासेलि चित्त बुभेजुया वैत ज्वने फक्क धन विया छोट व गजिगुलु धन पो ज्वना न्हापाया थाय हे वल । थुगुहे पाखे लाका व गजिगुलुं लाखे तयेत आबलि अथे सिथं हःपिं सीपिनिगु ला लाका बुकु याना नय्दै मखु, छिपिं देशे दुने हे वय् दै मखु” धका कराल नं ल्हाकल । उबलेनिसें लाखेतसें दुःख ब्यूवईगु नं मन्त ।

अननं वैत कुवीफक्क धन सम्पत्ति बिया हल । अनं ल्याहाँ वया स्वःबले वया सोम्हा पासापिं नं अथेहे घना च्वन तिनि । सीम्हानं अथेहे तथा तल । उखे जुजुया मने वासं च्वापि लाखेतसें नल ज्वी धका स्वके हल । इपिं ला छुं म्वाक अन च्वना च्वंगु खना खुशी जुया जुजुया पाखें नं दांप्वः विया हल ।

“महाराज, आ लाखेत वया

सीम्हासिगु ला लाकालुकु यावइ मखुत, जिमिसं इमित कराल ल्हाके धुन आबलि सीम्हा उना बिज्याहुं” गजिगुलुं विन्ति यात । थःथःगु छें वना मां बौपिं छको स्वः वने धका छें ल्याहाँ वल ।

उखे बौपिनी काय्पिं सितला म्वातला धका हाला च्वन, थुखे व प्यम्हा पासापिनि नं बौपिं सितला दनिला छु जुल थें धका मने खँ ल्हाका थःथःगु छें खापा ध्वारा ध्वारा यात ।

आपालं दये धुकुगुलिं काय्पिंहे बुढाजुया वये धुकल, बौपिसंला म्हासीके हे फुगु मखुत ।

“छुं गर्न वयाम्हा, जिं मस्यू” बौम्हं धाईगु ।

“खः छिमिहे काय् गजिगुलु मखुला, न्हापा आम छुं च्वंगु तःखा लिना प्याहां वनागु मखुला ?” धका प्रमाण बिल, अलेतिनि वइत सत्कार याना थकाल ।

अथेहे मेमेपिं काय्पिसं नं छगू छगू प्रमाण बिसैलि काय्पिं म्हासीका सकलें मिले जुया आनन्दं दिन हना च्वन ।

उलिचिया बाखं ... .. थुलिं ।

## च्युता

आशा कुमार चिकंबञ्जार

व मवः, तस्कं तःनु । मनूत जक मखु स्वमा, सिमा, पशुपन्थी फुक्क आलो आलो कान । मनू तय्सं गुम्हासीं इन्द्रता ब्वः बियो च्वन । गुम्हासिं बासी फवडः च्वन । ‘हर हर महादेव - पानी दे’ हाल जुपुं नं मरुगु मखु । खुसी नाः मखु धः बः वयो दुर्गन्धं ना वयो च्वन । गनां गनां ब्यांचाय्गु ब्योह याडः ब्यूगु बुखौं नं प्याहाँ वल । क्व, कमिचा, ब्वहचाय् मचात श्वकः ब्वलांकल बुँ ज्यामि बुँ पालः भूमि मस्यंकगुलिं कि चात नकय् मखाड मां ब्वा चखु बखुत स्वर्गतय थाथा स्वयो सः सुगु सः पिकायो हाल च्वन । वापिज्या याय् खानिला मखानिला प्वाचा सीसी तुल वान दकः वयाय श्वयाय् मरुपुं किसानत अखय्नुं थुखय् थुखय् नं उखय् जुयो च्वन ।

थौं भाति भाति व वल । बुँ प्वाकःपिक, नाः खानय्

दत । छम्हा तः हिम्हा क्वाकाव्यां नाखय् दुडः फक्क तसलं नाः फवडः हालः च्वन । मानौं नाः फवनय्गु वयाय्गु धर्म थें हे वं तायकल । संजोग धाय्ला, धात्थें धाय्ला व वल । बुँज्यामि बुँ नाः तः वल । दें तः गु इलय् ब्यां याय्ता कुलं थियो घः लाडः हि वल । वं थःगु शक्ति फः तलय् बः पिकायो बिसे वान । किसानं थः छय्ता छुयो नकेगु धा धां ल्यू वान । अथेनं ब्यां ज्यान जोगय् याडः बिसे वान । दें खोलय् च्वडः सास फ्यू फ्यू वं मतितल । थः भिं म्हुइम्हा पासाता स्याइम्हासिया गुब्लें भिं जुइमखु । मुलय थ्यडः न्हयलय् स्याइम्हा मनू गुब्लें गति लाई मखु । फुलुफुलु व वल । हकनं वं घःया च्युता मतसें हे हाल । सकलसिया भिं याय्गु जिगु कर्तब्य खः । व चच्छी तक हालं तुं च्वन - त्वार त्वार त्वार ...।

## ख्वप नगरपालिकाया ज्या भवः त

### स्काउट तालिम सुरुः

असार १२ गते



ख्वप नगरपालिकाया गवसालय नगर दुनयया फुक्क ब्वनय कुथिया मिसाम्हा छम्हा व मिजम्हा छम्हा शिक्षक पिन्ता थौ निसैं डान्ह्या कब ब्रिटिसी व ब्राउन आवल पिटिसी स्काउट तालिम ब्यगु दः। ख्वप नगरपालिकामा प्रमुख सुनिल प्रजापति व उप प्रमुख रजनी जोशी भन्डोतोलन याडः स्काउट तालिमया उलेज्या याड द्यगु खः ।

ज्याः सं न्वचु तयो दिसे नगर प्रमुख नपां स्काउटया संरक्षक सुनिल प्रजापति जुं स्काउट सामुदायिक सेवा व जनताया भिं ज्या नपां स्वापु दःगु ज्या जुगुलिं थुगु धेवा व स्वार्थ द्रह्वल धः सा सिद्धान्तया अःख जुडगुलि सकलें सचेत व सजग जुयमा धायेदिल । लोभ, स्वार्थ थः ता जक जिडगु मति स्काउटं तापाक्क तयमः गु खौं

व्याकसे वयकलं स्काउट तालिम काय धुकः ब्वनयकुथि वैगु सकारात्मक ह्युपां थुकिया महत्व अपः दःगु खः धायो दिल ।

वयकलं तालिमय दुथ्यापिन्ता देश व समाजया सेवा सं छ्यलय् मःगुलि, बः यासे ब्वनामिपिन्ता अनुशासनय तयगु जिम्मा शिक्षकपिनिगु खः नपां अनुशासित समाज जक व्यवस्थित काथं हज्याय् फै धायोदिल ।

उपप्रमुख रजनी जोशी ब्वनामिपुं अनुशासित जुसा कन्ह्या समाज नं अनुशासित जुडगु नपां स्काउटिड शिक्षा मचात ल्यासे ल्याम्हो पिनिगु शारिरीक, मानसिक, बौद्धिक विकास जुयो अमिता अनुशासित न स्वाबलम्बी याडः दे ह्युयाय्ता छ्यलय् फैगु खौं व्याक दिल ।

ख्वप नगरपालिका शिक्षा शाखा प्रमुख कृष्ण प्रसाद कर्माचार्य तालिम तः लाय्मः धायो दिसे ख्वपया ब्वनामिपिन्ता स्काउट तालिम बियमःगु या खौं काडः दिल ।

ज्या इवः सं बागमती प्रदेश सल्लाहकार भक्त राज भण्डारी, वागमती प्रदेशया दुजः अच्युत प्रजापति, ख्वपिड स्कूलया प्रिन्सिपल विनोद प्रजापति, कब कोर्स लिडर पवन कुमार बल्ल, सहायक राष्ट्रिय प्रशिक्षक बालकृष्ण वनमाला व स्थानीय स्काउट कार्यालय ख्वपया स्थानीय कजि कृष्ण सुन्दर प्रजापति स्काउटया तातुना व महत्व काडः दिल ।

### ला पसलय अनुगमन

असार १२ गते

ख्वप नगरपालिकाया अनुगमन समितिया कजि राजकृष्ण गोराया न्ह्लुवाय् ख्वप नगरपालिकाया स्वथाय्या ला पसलय अनुगमन यागु जुल । उगु थासय् सफा मंजुगुलिं सफायायता निर्देशन बियो दिल । उगु पुचलं हाकुपवः हिति, भार्वाचो व वंशगोपालया ला पसलय अनुगमन याडः उगु निर्देशन ब्यगु खः ।

उगु अनुगमनयायगु इवल्य अनुगमन पुचलं खा स्याइगुथाय् तस्कं फोहर जूगुलिं सफा याय्मःगु, तुडगु एप्रोन फिय मःगु, ला पालयगु चुपी, ला तयगु थाला बाला सफायाय् मःगु, धः तालाजु नवीकरण यायमः गु फ्रिजय बुगु व काचिगु ला बिस्कं बिस्कं तय मःगु, ला कापतं पुयो तयमःगु, भुजितं भुंक, धुलं गय्क तय मज्यगु, आंगलय् सफागु तायल, कार्पेट तय्ता निर्देशन यागु खौं उगु पुचलय भःम्हा वडा निरीक्षक रामकृष्ण प्रजापतिं काडः दिल ।

उगु पुचलं न्यू नवदुर्गा कोल्ड स्टोर, हरिकृष्ण शाहीया ला पसः, रामकृष्ण कोल्डस्टोर, भार्वाचो ला पस, एसन मिटसप, छोरी मैयाँ शाहीया लापसः, बेखा नारायण शाहीया ला पसः, अनुगमन यागु खः ।

अनुगमनसं भक्तपुर नगरपालिका अनुगमन समितिया दुजः पुं श्याम कृष्ण खत्री, रोशन मैयाँ सुवाल, ज्ञान बहादुर मानन्धर, सदस्य सचिव दिलिप कुमार सुवाल, भनपा स्यानिटेशन उप शाखाया वडा निरीक्षक रामकृष्ण प्रजापति, जिल्ला प्रशासन कार्यालय भक्तपुरया हरिहर काफ्ले, पशु सेवा शाखा भक्तपुरया पार्वती योज्जन, राष्ट्रिय उपभोक्ता मञ्चपाखं मनोज थापा, महानगरीय प्रहरी परिसरया भगउर प्रसाद हरिजन व घरेलु कार्यालयया सीताराम त्वायना पुं नं भःगु जुल ।

# खप नगरपालिकाया आ.व. २०८०/८१ या बजेट याय् खाय् छलफल

असार १२ गते

खप नगरपालिकाया प्रमुख सुनिल प्रजापतिया नायोसुई च्वंगु हिप्यकगु नगरसभाया बैठक मंगलवार नं च्वसे खप नगरपालिकाया आ.व. २०८०/८१ या बजेटया खाय् नं छलफल जुल ।



बैठकसं प्रमुख प्रजापति जुं नगर सभा धाय्गु नगरबासी पिनिगु न्ह्यलुवा जुयो अमिगु भावनाया खाँ छलफल याय्गु प्राज्ञिक थाय जुगुलि सभां वडाया विकास निर्माण नपां राष्ट्रिय-अन्तराष्ट्रिय विषय छलफल याय्गु थाय् धायोदिल ।

समसामयिक विषय न्वचु तयो दिसे वयकलं नागरिकता विधेयक भ्नीगु देशां देछि याय्गु सार्वभौमिकता व स्वतन्त्रता नपां स्वाडः वैगु विषय जगुलिं नागरिकताता छुं मखु काथं काय्गु याः सा नेपःमिपुं थःगु देशय् हे कतः थें च्वंकः शरणार्थी जीवन हानय् मालिगु अवस्था वयफः धायोदिल ।

थौ सभासं खप नगरपालिकाया आ.व. २०८०/८१ या बजेटया दफावार छलफलसं सभासदपिसं खप नगरपालिकाया बजेट च्वछाय् बहगु नपां लसकुस याय् छिंगु खाँ काडः दिल ।

छलफलसं सभासद रामसुन्दर वासी जुं खपया लिवाली च्वंगु तः मुंज्या चोके व्यवस्थित याय्मःगु वडा नं. ८ या शिशु स्याहार केन्द्र मेगु ज्याछिंगु थासय् ल्हययमःगु, महेश्वरी कासा ख्यः,

सहिद स्मृति कासा ख्यः अरनिको सभाभवनया ज्या थुगुसी न्ह्याकय् मःगु धायोदिल । मेम्हा सभासद ज्ञान बहादुर मानन्धर वडा नं. ९ या सलौं गणेद्यो पुखु ल्हवडः उकिया दशवी तयो तःम्हा गनेद्यो नं तयमःगु खाँ काडः दिल । अथेहे पुरुषोत्तम तमखुं देको मिबा-इटापाकय् आवास योजना क्वचाय्केता तःगु बजेट मगागु नपां जगन्नाथ क्षेत्र मुलः स्वयता बजेट छख्य लिइके मःगु कृष्ण गोपाल चौगुथिं बाराही द्यो छँ हनयया द्योचा (मुर्ति) त सुरक्षित याय् मःगु नगरय् द्रहँ वडगु दक्षिण भेगया धवाका भ्नीगु हे पहलं दय्के मःगु बिचः प्वंकः दिलसा नारायण प्रसाद त्वानाबासुं नगरपालिकाता मःगु जग्गा न्यायता छख्य लिइकेगु बजेट मचःगु वडा नं ५ या वडा कार्यालय पिडः दानय् मःगु अथेहे श्याम सुन्दर मातां नं बजेट मगागुलिं देको मिबा इटापाकय्या ज्या न्ह्याकय् मफयो च्वंगु खाँ ब्याकसे साविक वडा, नं १५ या वडा कार्यालय स्वास्थ्य केन्द्र काथं छ्यलय् मःगु हेरा ख्याजुं फोहर व्यवस्थित काथं मुनयता वडा वडाया बाल्टिन इडः बियमःगु, जितेन्द्र मुनंकःमिं विकास निर्माणया बजेट कताकायो त्वनयगु नाः ह्यता बजेट तानय् मःगु, गोबिन्द दुवाल कृषिता हदाय तयो आधुनिक कृषिपाख्य किसानतयगु मन लुयमःगु न्हँ न्हँगु त्वनयगु नाः या छँ त मालः लुइके मःगु बिचः प्वंकः दिल ।

सभाया विशेष इलय सभा सदपुं सिद्धिराम अवाल, कृष्ण नारायण दुमरु, हेरा ख्याजु, सूर्यप्रसाद श्रेष्ठ, राजकुमार शिल्पकार, मञ्जु मैयाँ लाखा, कृष्णलाल किसी, इन्द्रबहार प्याथ, रीता फसिकव, बिष्णु केशरी दुवाल नगरया शिक्षा, स्वास्थ्य, सुचुकुचु, सम्पदा ल्यंकः स्वाकः तय्गु त्वनयगु नाः थजगु थानाया समस्यात नपां मे मेगु राष्ट्रिय व अन्तर्राष्ट्रिय विषयसं थःथःगु बिच प्वंक दिल । सभासं न्यंगु न्हयसःया लिसः वातावरण समितिया कजि रबिन्द्र ज्याख्व, शिक्षा, संस्कृति स्वास्थ्य समितिया दुजः योगेन्द्रमान बिजुकुछँ निर्माण समितिया कजि उकेश कवां पिसं बियो दय्गु खः ।

नगर सभाया मेगु बैठक २०८० साल असार १५ गते शुक्रवार न्हिनयसिया १:०० ता इलय् च्वनयगु याडः दिक्ु यात ।

**खप नगरपालिकाता न्ह्याबले सफा,  
सुधर तय्गु सकल नगरवासीतय्गु कर्तव्य खः ।**

# राष्ट्रीय सभा, विधायन व्यवस्थापन समितिया माननीय पदाधिकारीपुं खप नगरपालिकाय्

असार १३ गते



राष्ट्रीय विधायन सभा व विद्यालय व्यवस्थापन समितिया माननीय पदाधिकारीपिनिपाखं बुद्धवार खप नगरपालिका व नगरपालिकापाखं चाय्कः तःगु अस्पताल व कलेजय् स्वः भाल ।

संघीय संसद, राष्ट्रिय सभा, विधायन व्यवस्थापन समितिया सभापति माननीय जयन्ती देवी राईया न्ह्यलुवाय् समितिया माननीय सदस्यजु पिसं प्रदेश व स्थानीय तहया कानून निर्माण प्रक्रिया व खप नगरपालिकाया 'असल अभ्यास' या बारे अनुभव कालबिल याय्गु तातुडः खप नगरपालिकाय् भःगु खः ।

उगु पुत्रःता खप नगरपालिकाया प्रमुख सुनिल प्रजापति जुं स्वम्हू बियो, खादा व क्वाखायकः तका तपुलीपुडकः ऐतिहासिक व सांस्कृतिक नगरय् लसकुस याडः दिल ।

उगु ज्या इवः सं राष्ट्रिय सभा, विधायन व्यवस्थापन समितिया सभापति मा. जयन्ती राई जुं संविधानं क्यं काथंया समाजवाद पलिस्था याय्गु लौं पुई खप नगरपालिकाया जनप्रतिनिधिपुं हज्याडः च्वंगु खौं कुलदिसे संघीय लोकतान्त्रिक व्यवस्थाता तः लाकय्ता स्थानीय तहतय्ता अधिकारं जायकेमः धायोदिल ।

खप नगरपालिकापाखं चाय्कः तःगु अस्पताल व कलेजत स्वः वय खांगुलिं लय्ता प्वकसे वयकलं खप नगरपालिकां शिक्षा, स्वास्थ्य, सम्पदा ल्यकः म्वाकः तय्गु नपां मेमेगु लागाय् नं च्वछाय् बहगु ज्या याडः च्वंगु खौं व्याकसे खप विकासया मोडल च्वछाय् बहज्गु नपां खप दे अः फुक्क सिया लागिं सय्के थुडकेगु थाय् काथं जुयो च्वंगु वयकलं भ्रष्टाचार मरुगु व न्ह्यकनय् स्वयथें पारदर्शिता

हे खपया विस्कं पहः खः धायो दिल ।

सांसद राईजु स्थानीय तहं थःगु अधिकार व कर्तव्य थुडकः संविधान काथं ऐन, नियम व कानूनत दय्केगुलि बःयाडः दिल ।

ज्या इवः सं खप नगरपालिकाया प्रमुख सुनिल प्रजापति जुं खप नगरपालिकाया बःचा हाकलं म्हासिइका पिडवयो दिसे नेपःया संविधानया, म्हागस समाजवाद उन्मुख व्यवस्था पलिस्था याय्ता खप नगरपालिकां बःयाडः वगु अलय् विकास निर्माणया ज्या याय्ता स्थानीय तह दय्कं-दय्कं संसद विकास कोष दय्कगु पाय्छि मज्गु नेपालय संघीयता छ्यलय्ता वयो च्वंगु अपलं पंगःया खौं कुलदिसे स्थानीय तहता संघ व प्रदेश थःगु कचाजक थें व्यवहार याडः च्वंगु बांमला धायो दिसे संविधानया मतिकथं स्थानीय तहता अधिकारं जायके मः धायोदिल ।

सांसद जु पिसं न्यंगु न्ह्यसःया लिसः बियो दिसे वयकलं खप नगरपालिकां थःता मःगु ऐन, नियम, कार्यविधि व निर्देशिका दय्कः छय्लः वयो च्वंगु खौं कुल दिसे थौं तकखय् २५ गू ऐन, स्वंगू नियम खुगू विनियम, हिस्वंगू कार्यविधि, गुगू निर्देशिका व छगू नीति याडः मुक्कं ५६ गू कानून दयके धुंगु खौं ब्याकल । खप विश्वविद्यालय निः स्वानय्ता मःकाथं ज्या न्ह्याकः च्वंगु उकिता मः काथंया भौतिक पूर्वाधारत दय्कः च्वडागु खौं नं ब्याकः दिल ।

नगरपालिकाता विश्वविद्यालय चाय्केगु स्वीकृति ब्यसा दांकः मेडिकल कलेज पलिस्था याडः एमबीबीएस ब्वंकेगु आजु तयो तयागु खौं ब्याकसे वयकलं फःगु स्थानीय तहता विश्वविद्यालय

## सच्छिव हिंस्तंगू स्वप पौ. बःखि पौ(पाक्षिक)

चायके बियमःधायो दिल ।

ज्या इवः सं राष्ट्रिय सभाया दुजः नपां विधायन व्यवस्थापन समितिया माननीय सांसदपिसं नगर प्रमुख प्रजापतिकय् स्थानीय तहया कानून द्यकेगु इलय् वैगु पंगः संघ, प्रदेश व स्थानीयतहया दशवी समन्वय व अन्तरसम्बन्ध, स्थानीय तहया 'काम कर्तव्य व अधिकार' संघं कानून द्यके लिपा लाकसेलि स्थानीय तहता जुइगु असुविधां, ख्वप विश्वविद्यालय सम्बन्धनया पंगः थी थी खायँ न्ह्यसः तयो द्यगू खः ।

ज्या इवः सं ख्वप नगरपालिकाया प्रमुख प्रशासकीय अधिकृत विजय कुमार शर्मा जुं ख्वप नगरपालिकां कानून द्यकिबलय वैगु पंगः या खाँ काडः दिलसा समितिया उपसचिव नुमराज खनाल ज्या इवःया तातुना काडः दिल ।

उगु पुचलं ख्वप नगरपालिकापाखं चाय्क तःगु ख्वप कलेज , ख्वप कलेज अफ ल, ख्वप अस्पताल, ख्वप इञ्जिनियरिड कलेज, ख्वप कलेज अफ इञ्जिनियरिडय् भायो स्वयो द्यगू खःसा उगु

## एकीकृत पाठ्यक्रममा पुनर्ताजगी ज्या इवः

असार १४ गते



ख्वप नगरपालिकाया ग्वसालय १-३ तगिया एकीकृत पाठ्यक्रमया बारे नेन्ह्या पुनर्ताजगी ज्याः इवः विहिवार आदर्श आजाद कलेजय जुल । ज्या इवया उलेज्या याडः दिसे नगर प्रमुख सुनिल प्रजापति जुं तालिमया बांलापुं शिष्य हे ब्वनय्कुथिया बांलापुं शिक्षक जुय फैगु अजपुं योगदान बियफैगु बिचः प्वंकः दिल ।

ख्वप नगरपालिकां देयानितिं ब्वस्यलागू कलेजत चाय्क वगु अः ब्वनय्कुथिया जगत विशेष ध्यान बियागु खाँ कुल दिसे वयकलं देशं योग्य व दक्ष जनशक्ति प्याहाँवानिगु तस्कं चिन्ताया खाँ खः धायो दिसे मचाबलय् निसें देश भक्तिया पाठ ब्वंकयता बः याडः दिल ।

देयाता तःमि याय्गु लिधंसा हे अनुशासन खः धायोदिसे वयकलं शिक्षकपुं अनुशासित जूसा ब्वनामिपुं नं अनुशासित जुइगुलिं ब्वनामिपिन्ता म्हागसया दे विदेश मखु भ्नीगु हे देश द्यकेता घ्वासा जुयमः । देता मःगु, अनुसन्धान (हिलः मालः स्वयगु) जुगुलिं 'चीन अमेरिका थजगु देशं अनुसन्धानय् अपलं लाय छ्यलः च्वंगु' खाँ

संस्थाया इतिहास, पलिस्था यागुया तातुना, आना नं बियो च्वंगु सेवा सुविधात, सांगठनिक स्वरूप, भर्ना विवरण, शिक्षक व कर्मचारी पिनिगु ल्या, कलेजय् ब्वंकः वयो च्वंगु विषयत, शुल्कसंरचनाया विस्तृत विवरण कायोदिल ।

उगु अध्ययन भ्रमणय् समितिया सभापति मा. जयन्ती देवी राई नपां मा. उदय बहादुर बोहरा, मा. खिमलाल देवकोटा, मा. गंगाकुमारी बेलबासे, मा. तारामान स्वॉर, मा. देवेन्द्र दाहाल, मा. नारायण दत्त मिश्र, मा. भगवती न्यौपाने, मा. भैरव सुन्दर श्रेष्ठ, मा. राधेश्याम पासवान, मा. सुरेश कुमार आलेमगर, मा. अनिता देवकोटा, समितिया उपसचिव नुमराज खनाल व संघीय सचिवालयया अधिकृत कर्मचारीपुं नपां भ्रःगु जुल । ज्या इवः सं ख्वप नगरपालिकाया उपप्रमुख रजनी जोशी व ख्वप नगरपालिकाया कार्यपालिकाया दुजः पुं नं दुथ्यागु जुल । प्रमुख प्रजापति जुं माननीय सांसद राई जु याता लोकहवागु म्हवय्खा इयो नगरपालिकाया पिथनात व कलेजया पिथनात उपहार काथं लः ल्हाडः द्यगू खः ।

ब्याकसे अः ख्वप नगरपालिकां नं अनुसन्धानया मू थाय् काथं ज्या हछ्याय्गु खाँ ब्याकः दिल ।

ख्वप देता ज्ञान विज्ञानया मू थाय् काथं द्यकेगु तातुडः ख्वप विश्व विद्यालय पलिस्था याय्गु खाँ काडः ख्वप विश्वविद्यालय चाय्के खांसा दांकः भिंक चिकित्सा शास्त्र नपां मेमेगु उच्चशिक्षा नं बियदैगु खाँ ब्याकसे वयकलं संघीय व प्रदेश सरकारं ऐनं वियमःगु धेबा नपां मब्यूसें ख्वप नगरपालिकाता थ्याका मचा थें पाकः तःगु खायँ तं प्वंकसे ख्वप नगरपालिका सुयायगु हः नय् लाहा फयो कपः क्व छुकः मखु थःगु हे तुतिखय् दाडः हज्याई धायोदिल ।

आदर्श आजाद मा वि.या प्राचार्य श्रीकृष्ण किसीया नायोसुई जुगु उगु ज्या इवः सं ख्वप नगरपालिकाया अनुगामन समितिया कजि नपां वडा नं ५ या वडाध्यक्ष योगेन्द्रमान बिजुकुँ जुं ताल्लया विदाता भिंज्याखय् छ्यल थुगु तालिम न्ह्याकगु खाँ ब्याकः दिल । वयकलं दःगु ज्ञान अजनं भिंकः ल्यंकः तय्ता नं पुनर्ताजगी तालिम मदय्कः मगा धायो दिल । ज्या इवः सं नगर शिक्षा शाखाया प्रमुख कृष्ण प्रसाद कमाचार्य लसकुस याडः द्यगू उगु तालिमसं नगर दुनयया संस्थागत व सामुदायिक ब्वनय्कुथिया ९५ म्हा शिक्षकपुं ब्वति कःगु खः ।

स्वंगू पुचलय् ब्वथल न्ह्याकगु उगु तालिमया प्रशिक्षकपुं हरि निरौला, रोहित फुयाल व सानुकाजी महतं छगू निसें स्वंगू तगिं या पाठ्यक्रम, पाठ्यपुस्तकया, छ्यला, शिक्षण सामग्री द्यकेगु तालिम ब्यगु खः । उगु तालिम न्यन्हूँ तक न्ह्याइगु खाँ ग्वसाखलं धःगु दः ।

## खप नगरपालिकां सच्छिदा लिपाया आधार दय्क: च्वंगु द: ।

असार १५ गते

खप नगरपालिकाया प्रमुख सुनिल प्रजापति जुं सच्छिदा लिपाया खप देया लिपाथ्यंकया ग्वस: (दीर्घकालीन योजना) या आधार (लिधंसा) दय्केता खप नगरपालिकां पुलांगु नगर दुनय् छँ, दानिपुं छँ थुवपिन्ता अपा, पोल्हँ अपा व सिँखय् तुगु धेबाखय् अनुदान, शैक्षिक संस्थात चाय्क च्वंगु, ल्यासे ल्याम्हो पिन्ता थीथी विदेशी भायया तालिम, नपां सांस्कृतिक प्रशिक्षण बियगु ज्या जुयो च्वंगु द: धायोदिल ।

यल महानगरपालिका व स्थानीय विकास प्रशिक्षण प्रतिष्ठानया मंक: ग्वसालय जूगु यल महानगरपालिकाया सातौं, आठौं व नवौं तहया अधिकृत स्तरया कर्मचारीपिनिगु 'प्रभावकारी सेवा प्रवाह स्थानीय शासन व सहरी व्यवस्थापन' विषयसं ३० न्ह्या सेवाकालीन प्रशिक्षणया क्वच:गु ज्या इव:सं न्वचु तयो दिसे प्रमुख प्रजापति जुं विकेन्द्रीकरण व स्वायत्तताया पूर्ण कार्यान्वयन याय फ:सा नेपालय संघीयता म्व:गु विच: व्यवहारं पुष्टियाय् धुंकगु खँ ब्याकसे संघ व प्रदेशं म्हुछिड त:गु संघीयताया कुत: भिंगु मखु धायो दिल ।

खप नगरपालिकाया ब:चा हाकलं म्हासिडका पिब्वयो दिसे प्रमुख प्रजापति जुं स्थानीय तह स्रोत व साधन अपलं छ्यलय फ:गु थाय् ख: धायोदिसे देया ७५३ गू स्थानीय तहलय छंगुं तुं ऐन, नियम व कानुन खसां ज्या सानिगु पह: पालिका पिच्छे पाइगु खँ काड: दिल ।

संविधान व कानुनया दुनय च्वड: खप नगरपालिकां थ: ता म:गु नीति निर्माण याड: उकिता छ्यलयता ब: यासे अपलं जनताया भिं ज्याखय् शिक्षा व स्वास्थ्यया लागाय् म्ह्वचा धेबां दांक: भिंक: सेवा ब्यु ब्यु समाजवाद उन्मुख ज्यासाड: च्वंगु खँ ब्याकसे वयकलं खप विश्वविद्यालय सम्बन्धनया विषयसं शासक दलपिसं खप देता पक्षपात व महितां स्वयो च्वंगु खँ ब्याकसे खप नगरपालिकां चाय्क: त:गु कलेज विश्वविद्यालयति ग्यंक: चाय्क च्वंगु खँ ब्याक: दिल ।

खपया शिक्षा हज्याकय्ता नेपाल मजदुर किसान पार्टी यागू योगदानया खँ कुल: दिसे वयकलं संविधानया भावना काथं छम्हा छम्हा नागरिक पिन्ता शारीरिक व्यायामया अधिकार वियगु मतिकायं त्वालय त्वालय खुल्ला व्यायामशाला तयो बियागु नपां



दायँ दायँ पतिकं अन्तर नगर कासाया धिंधिं बल्ला नपां ब्वनय् कुथि ब्यागु अन्तर विद्यालय कासाया धिंधिं बल्ला कासा मदिकक याड: वयो च्वंगु खँ ब्याक: दिल ।

उगु क्वच:गु ज्याखय् यल महानगरपालिकाया प्रमुख प्रशासकीय अधिकृत गणेश अर्यालं खपया ज्या देशां देछिया लागिं हे डालय् बहगु खँ ब्याकसे कर्मचारीपिनिगु सेवा प्रवाह चुस्त दुरुस्त काथं ह्छ्याय्ता यल महानगरपालिकां बिस्कं बजेट छखय् लिडक: ३० न्ह्या सेवाकालीन तालिमया ग्वस: ग्वगु, तालिमं सयकगु ज्ञान व सीप कार्यालय सं ग्यसुलाक छ्यलिगु विश्वास प्वंक: दिल ।

स्थानीय विकास प्रशिक्षण प्रतिष्ठानया कार्यकारी निर्देशक कानूनलाल चौधरी जुं नागरिकपिन्ता विडगु, सेवात अभ् लोकहवाक: हनय यंकय्गु तातुड: कर्मचारीपिन्के द:गु ज्ञान, सीप व क्षमताता ई काथं अभ् ग्यसुलाक: यंकय्ता सेवाकालीन तालिमया तहांगु लाहा दैगु खँ ब्याकसे कर्मचारी पिसं थ:गु ज्ञान व सीप पाखं नगर ब्याक अभ् दे ह्छ्याय्ता ग्वाहाली याय्म: धायो दिल ।

प्रतिष्ठानया उपनिर्देशक कृष्णप्रसाद भट्टराईजुं खप नगरपालिया असल अभ्यासपाखं सय्के थुड्के द:गुलिं सुभाय देछायो दिसे तालिम तस्कं बांलागू थुकिं सय्कामिपिन्ता ई व्यवस्थापन नपां अनुशासन व आचरण व्यवहार नं स्यनिगु विच: प्वंक: दिल ।

तालिमय् दुथ्यापुं कर्मचारीपिसं नगरप्रमुख प्रजापति जू नपां खप नगरपालिकाया सुशासन, असल अभ्यास, सेवा प्रवाह कार्यशैली, विकास मोडेल, छँ छँ नर्सिड सेवा नगरपालिकाया पंग: या खँ न्यड: दिल । ज्या इव: सं मू पाहाँ सुनिल प्रजापति व पाहाँपिसं तालिम क:पिन्ता दसि पौ ल: ल्हाड: दिल ।

## नगरसभा चालु

असार १५ गते



खप नगरपालिकाया प्रमुख सुनिल प्रजापतिया नायोसुई च्वंगु हिप्यकगु नगर सभाया बैठक असार १५ गते शुक्रवार नं चवन ।

उगु बैठक सं खप नगरपालिकाया आ.व.-२०८०/८१ या

बजेटया खाँय जूगु छलफलसं सभासदपुं सिद्धिराम अवाल, हेरा ख्याजु, रिता फसिकव, इन्द्र बहादुर प्याथ, रामसुन्दर बासी व तारादेवी शाक्य याडः खुम्हासिं ब्वतिकःगु जुल ।

बैठक सं तारादेवी शाक्य जुं कमल बिनायक निसें लान्चा फल्चा तकया लाँसी नेखें फः दय्के मःगु, सडक बत्ती व सिमाचा पियता बजेट छख्य लिङ्केमःगु अथेहे रामसुन्दर बासी वडागत योजनाया लागिं ५० लाख तका दां मचःगु, इन्द्र बहादुर प्याथ २०८०/८१ या लागिं कर पुचः या व्यवस्था याय् मःगु, सिद्धिराम अवाल आयुर्वेदिक उपचारता हृदाय तय मःगु, हेरा ख्याजुं खप नगरपालिका वडा नं. ७ या सिद्धि शारदा आ.वि. या भवन दानयमःगु, रिता फसिकवां कर मुनयता घुम्ती करपुचः दय्केमःगु थजगु सभासदपिसं सुभावा बियो द्यगु खः ।

सभाया मेगु बैठक असार २० गते बुधबार न्हिनय् सिया १:०० ताइलय् चवनय्गु याडः दिक्ु यात ।

## फल्चा निःस्वान



असार १६ गते

खप नगरपालिका वडा नं ६ खय् च्वंगु दुय्केमःगु फल्चा निःस्वानय्गु ज्या खप नगरपालिकाया उप प्रमुख रजनी जोशी याडः दिल नपां प्यन्ह्या प्राङ्गारिक कृषि खेती तालिम अलय् कःसि खेतीया तालिमया दसिपौ लः ल्हाय्गु ज्या इवः नं जुल ।

## मुंकय्गु ज्या



खप नगरपालिकाया ग्वसालय् स्यडः च्वंगु छिकोङ्ग कासाया सय्कामी (प्रशिक्षार्थी) पिन्ता २०८० असार १४ गते खप नगरपालिकाया हलय् मुंक उगु ज्याया तातुना काडः दिल ।

नगरपालिका भीगु हे संस्था खः  
इलयहे करपुल ग्वाहाली याय्नु

## ‘थ:गु देशय हे ब्वड: योग्य व इमानदार नागरिक जुयम:’

आसार १६ गते

नेपाल क्रान्तिकारी विद्यार्थी संघ, मा.वि. भक्तपुर जिल्ला समितिं थी थी कलेजय् ब्वड: च्वंपुं हिन्ध्यगु तगिं क्वचाय धुपुं ब्वनामिपिनिगु लागिं आसार १६ गते शैक्षिक परामर्श ज्या इव: या ग्वस: ग्वल ।



ज्या इव:सं नेपाल मजदुर किसान पार्टीया केन्द्रीय दुज: नपां खप नगरपालिकाया प्रमुख सुनिल प्रजापति जुं खपया शैक्षिक इतिहासया ब:चा हाकलं खाँ काड: दिसे च्वय् थ्यंकया उच्चशिक्षा कायो च्वंपुं नगरबासी ब्वनामिपिनिगु लागिं छात्रवृत्तिया व्यवस्था याड: त:गु खाँ काड: दिल ।

खप नगरपालिकां ज्या साड: नैपुं ज्यापु ज्यामिया काय् म्हायुपिन्ता च्वयथ्यंक ब्वनयगु मौका बियो वयो च्वंगु खाँ काड: दिसे वयकलं थ:ता मनद:गु विषय कायो बांलाक ब्वनयता ब: याड: दिल ।

ब्वनामिपिसं थ: ब्वडागु विषयसं विशेषज्ञता कायो च्वजायक:या लिच्व:वयक: ब्वनयता ब:यासे वयकलं अ: या शैक्षिक लागाय् समस्या वयो च्वंगुलिंविदेशय् वाड: च्वंगुलिं ब्वनामि व ल्यासे ल्याम्हो पुं सचेत जुयम: धायो दिसे वयकलं थ:गु देशय हे ब्वड:

(असल) भिं म्हा, योग्यम्हा व इमानदार नागरिक जुयम:गु अलय खप नगरपालिकां न्हूँ न्हूंगु विषयत ब्वंकयता कुत: जुयो च्वंगु खाँ काड: दिल ।

ज्या इव: सं नेमकिया भक्तपुर जिल्लाया दुज: सृजना सैजुं ब्वनामिपुं इमानदार व देशभक्त नागरिक जुयम:गु खाँ ब्याकसे पाठ्यपुस्तक जकमखु पिनय्या विषय नं ब्वनामिपिनिगु दृष्टिकोण तब्याड: वानिगु खाँ काड: दिल ।

वयकलं ब्वनामिपुं राजनीतिक रुपं ग्वाड: सक्रिय व छप्पा छधिजुयो हज्याय फ:सा देया सार्वभौमिकता व स्वाधीनता च्वजायकेता ग्वाहाली जुइगु खाँ काड: दिल ।

नेक्राविसंघया पुलांम्हा नायो भाजु निरज लवजुं ब्वनामिपिसं थ:गु आजु पू वांकयता थाकुमच:सैं हज्याय म:गु खाँ ब्याकसे ब्वनामिपुं ल्यासे ल्याम्हो पुं तस्कं हज्याड: : मदिसैं देश व समाजया नितिं ज्या सानयता ब्वनामिपिन्के तफागु नुग: व बिच: द्यम: धायो दिल ।

ज्या इव: सं नेक्राविसंघया केन्द्रीय नायो प्रकाश गुरुडं च्वजायक आख: ब्वनिपुं ब्वनामिपिसं थजगु परामर्श क:सा लोपुं दापा मजुइगु विश्वास प्वंकसे राजनीतिक ज्या खयनं जुयम:गु खाँ काड: दिल ।

नेक्राविसंघ मा.वि. जिल्ला समिति भक्तपुरया नायो सनम फैजुया नायोसुई जुगु उगु ज्या इव: सं ने.क्रा. वि सं भक्तपुर जिल्ला समितिया नायो विलम सुवाल, ब्वनामिपुं पवित्रा शाहपिसं नं न्वचु तयो द्यगु ख: । समितिया दुज: राज प्रजापतिं ज्या इव:यायम:गु या खाँ काड: दिल ।

शैक्षिक परामर्श ज्या इव: या औपचारिक ज्या इव: लिपा थी थी विषयया स्नातक तगिं सं ब्वकिगु थी थी विषयया परामर्शदातापिसं विषयगत काथं परामर्श यागु जुल ।

इगाप

खप नगरपालिका पाखं पिथाड: च्वंगु खप पौ ब: छि पौ खय् बांलागु च्वसु त बियो ग्वाहाली याड: दिसैं । उगु रचनाया ल्य ज्या याड: पारिश्रमिक बियगु खाँ खप नगरपालिकाया २०७७ श्रावण २६ गते च्वंगु बैठकं क्व: छ्यगु खाँ ब्याक च्वडा ।

सम्पादक  
खप पौ



## आधारभूत स्काउट मास्टर तालिम क्वचाल

आसार १७ गते



खप नगरपालिकाया गवसालय नपां स्थानीय स्काउट कार्यालयया संयोजनय न्ह्याकगु खुचा डान्हा आधारभूत स्काउट मास्टर तालिम खप नगरपालिकाया प्रमुख नपां स्थानीय स्काउट संरक्षक सुनिल प्रजापतिया मू पाहाँलय् ब्वनयकुथिया प्रशिक्षार्थी शिक्षक पिन्ता दसिपौ लः ल्हाडः क्वचाल ।

ज्या इवः सं मू पाहाँ प्रजापति जू हलिमय खानय् दःगु नयगु नसाया समस्या ब्वनय कुथि ब्वडः च्वंपुं ब्वनामिपिनिगु स्काउटीड सीपं म्ह्वँ यायां याइगुलिं संसारता योगदान याइगुलिं विनम्रता व न्ह्याथिन्योगु संकटया इलयनं ग्वाहालीयाय्ता लिफः मस्वइगु ज्याखं देश व समाजता मः पुं नागरिकपुं ब्वलाकिगु स्काउटिडया तातुना खः धायोदिल ।

वयकलं श्व धिं धिं बल्लाया इलय योजना विहिन नीतिं ल्यासे ल्याम्होपुं ब्वनामिपुं ब्वनयगु व ज्या सानयगु नामय विदेशय् वासेलिं देया अपलं कलेजत तिय मालिगु अवस्था वगु खाँ ब्याकसे कन्हेया लागि देश व समाजयालागिं योग्य पुं व ग्वाहालिमि जनशक्ति ब्वलांकयगु तातुड ब्वनयकुथि न्ह्याकिगु स्काउट तालिमं ग्वाहाली याइगु खाँ काडः दिल ।

उगु ज्या इवः सं स्थानीय स्काउट प्रमुख नपां खप नगरपालिकाया उपप्रमुख रजनी जोशीं दे व समाजता माया याइपुं खुदा निसें हिदाया ब्वनामिपिन्ता ग्वाकय्ता स्काउटिड तस्कं ज्या लगय् जूगु खाँ ब्याकसे इतिहास, मां भाय्, कलासंस्कृति ब्वनिपुं ब्वनामिपिन्ता नगरपालिकां बियो च्वंगु छात्रवृत्तिया खाँ काडः दिल ।

वडा नं ८ या वडाध्यक्ष कृष्ण प्रसाद कोजुं न्ह्याथिन्योगु विपत्ति नं ग्वाहालीयाय्ता तयार जुइपुं स्काउटिडया खाँ ब्याकसे देया सडकटया इलय ग्वाहाली याइपुं सेवक काथं ब्वलांक तयता व्यवहारिक काथं स्काउटिड ग्वाहाली याइगु विश्वास प्वंकः दिल ।

उगु ज्या इवः सं खप नगर शिक्षा शाखाया प्रमुख नपां स्थानीय स्काउट सदस्य सचिव कृष्ण प्रसाद कर्माचार्य गुणास्तरीय

शिक्षाया लागिं स्काउटिडं ग्वाहाली जुइगु खाँ ब्याकसे थुगु ज्यायाता छुं काथं पंगः मवय्केता मथां हे ब्वनयकुथिया प्र.अ./ प्रिन्सिपलपिन्ता अभिमूखीकरण तालिम न्ह्याकयगु खाँ ब्याक दिल ।

स्थानीय स्काउटया कजि नपां तालिमया कजि कृष्ण सुन्दर प्रजापतिया नायोसुई क्वचःगु तालिमसं वागमती प्रदेशया दुज नपां भक्तपुर जिल्ला समन्वयकर्ता, अच्यूत प्रजापति, एशिया प्यासिफिकया कजि मैयौं त्वानाबासु, कोर्ष लिडर पवन कुमार बल्ल, रत्नश्वरी चवाल नपां स्यनामिपुं नेम्हा धुरब राजखनाल व सलिना बस्नेत नं न्वचु तयो द्यगु खः ।

थ्यं मथ्यं हिं च्यादा लिपा पाठ्यक्रमकाथं दकलय् न्हःपां खप नगर दुनयया ब्वनयकुथिया शिक्षकपिन्ता न्ह्याकगु आधारभूत स्काउट तालिम पाखय् १८६ म्हा व १८७ क्वगू कब विटिसी तालिमसं ३८ म्हा नगरया शिक्षकपुं अलय् १८७ क्वगु ब्राउनी आलल पिटिसी तालिमसं नगरया २४ म्हा मिसापुं शिक्षक याडः ६२ म्हा शिक्षक शिक्षिकापिसं व्वतिकःगु खाँ क्व कोर्ष लिडर पवन कुमार बल्लं धायोदिल ।

वागमती प्रदेश सल्लाहकार नपां पूर्व राष्ट्रिय तालिम आयुक्त भक्त राज भण्डारी जू कब ब्राउनीया बाखं, प्रयोगात्मक सीप व अभिनय पाखं प्रशिक्षण बियो दिल ।

शैक्षिक गुणस्तर केन्द्रया निर्देशक नारायण प्रसाद भा जू बाल मनोविज्ञान व मानवीय व्यवहार नपां एशिया प्यासिफिकया कजि मैयौं त्वानाबासुं मिसा व मिजं स्काउटया अन्तर्राष्ट्रिय संघ संस्था वायस्क व ओजमया खाँय प्रशिक्षण बिल । उगु ज्या इवः सं थी थी मेगु तालिमत नं ब्यगु जुल ।

उगु तालिमसं स्काउटया चलनचल्लीया किलो पासो, कोइलिड धुव गाँठो, बिपिड व डक्टरी गाँठो नपां समूह ज्या छाय् मःगु, स्काउटय थी थी ब्याच, भन्डाकार्य स्काउटया राष्ट्रिय अन्तर्राष्ट्रिय संरचना नपां पाठ्यक्रम अलय ब्वनयकुथिसं कब व ब्राउनी न्ह्याकयगु नीति व छ्यलयगु खाँय प्रशिक्षण ब्यगु खः ।

तालिमसं पवनकुमार बल्ल, रत्नश्वरी चवाल व अच्यूत प्रजापति कोर्ष लिडर काथं च्वंगु खः सा हरि गोविन्द श्रेष्ठ, सोहन रञ्जित, बालकृष्ण वनमाला, रजिता श्रेष्ठ, दिल प्रसाद प्रजापति पुरञ्जली दुवाल, पुष्पा प्रजापति, न्हूजः किजु अलय कृष्ण सुन्दर प्रजापति सहजकर्ताया भूमिका कायो द्यगु खः ।

## सीप विकास तालिमया दसिपौ

असार १७ गते

ख्वप नगरपालिकाया प्रमुख सुनिल प्रजापति जुं ल्यासे ल्याम्होपिनिगु जनशक्ति अपः विदेशय वांसेलिं नेपालय दक्ष जनशक्ति मदयो वगु खौं ब्याकसे नेपः या सरकारं थःगु देशय हे ल्यासे ल्याम्हो पिन्ता ज्या ब्रिय मफूतलय् विदेशय वानयगु त्वति मखु धायो दिल ।

डिभिजन वन कार्यालय भक्तपुरया गवसालय वन पैदावार नपाँ स्वापु दःगु 'फर्निसिड एण्ड फिटिड' दक्ष जनशक्तिया लागीं ९० न्हँ या सीप विकास तालिमया ववचायकगु ज्या इवः सं न्वचुतयो दिसे प्रमुख प्रजापति जुं तालिमं सयकागु ज्ञान व सीपत थः कयसं जक लिंकुक मतःसें व्यवहारिक जीवनय छ्यलः देश व समाजता भिं जुइगु ज्या याय्मः धायोदिल ।

संघ व प्रदेश योजना व बजेटया नामय ख्वपया जनप्रतिनिधि पिन्ता मिखा पिईकेगु कुतः याडः च्वंगु खौं काडः दिसे वयकलं ख्वप देता संघ व प्रदेश सरकारं पक्षपात व महिता स्वयो ज्या याडः च्वंगुलि ख्वपया जनप्रतिनिधिपिसं अभः अपः जनताया सेवा या ज्या याय्गु खौं काडः दिल ।

ख्वप नगरपालिकां विदेशी अनुदान व गवाहाली स्वयो नं थःगु हे तुतिखय् दानयगुलि बःयासे ख्वप देया विकास याडः च्वंगु खौं ब्याकसे वयकलं थजगु सीपमूलक तालिमं लाहातय ज्या दैगु खौं काडः दिल ।

ज्या इवः सं भक्तपुर जिल्लाया प्रजिअ खगेन्द्र प्रसाद रिजालं थःगु हे पहलं छँ दानिपिन्ता ख्वप नगरपालिकां अनुदान बियो वगु च्वछाय बहजु धायोदिसे निर्माणसं छ्यलिगु सिं ब्रिय मफूसा उकिया



पलि मेगु सामान छ्यलिगुलिं चिन्ता प्वंकसे राष्ट्रिय अर्थतन्त्रसं धवासा जुइगु काथं सीपमूलक तालिम वियमः धायोदिल ।

अथेहे डिभिजन वन कार्यालय भक्तपुरया नि.वन अधिकृत प्रेम प्रसाद सापकोटा जुं तालिमं अपलं ल्यासे ल्याम्हो पिन्ता गवाहाली जुगुलिं इलय व्यलय थजगु तालिम बियोतुं यंकय्गु खौं काड दिल ।

ज्या इवः सं तालिम व्यवस्थापक राजेन्द्रप्रसाद प्रजापति, वन पैदावार उद्योग महासंघ उपत्यका विशेष अध्यक्ष राजकुमार मल्ल, व्यवस्थापक बिष्णु भक्त कुसी, वनपैदावार महासंघ भक्तपुरया अध्यक्ष अनिल सिवाकोटी पिसं थजगु तालिम बियमःगु खौं काड दिल ।

ज्या इवः सं ४० म्हा प्रशिक्षार्थीपिन्ता प्रमुख प्रजापति जुं दसिपौ लः ल्हाडः दिल ।

## लेखा परीक्षण व चौमासिक प्रतिवेदन दयकेगु तालिम उलेज्या

असार १८ गते

ख्वप नगरपालिकाया प्रमुख सुनिल प्रजापति जुं नगरपालिकाया गवसालय थौं निसे न्ह्याकगु सहकारी संस्थाया प्रतिनिधिपिन्ता नेन्ह्या लेखा परीक्षण व चौमासिक प्रतिवेदन दयकेगु तालिम सोमबार उलेज्या याडः दिल ।



ज्या इवः सं वयकलं ख्वप नगरपालिकां ब्वनयकुथि, कृषि, सहकारी थजगु लागाय् ईकाथया तालिमत न्ह्याकः आना ज्या सानिपुं जनशक्तिता बालापुं व भिंपुं सःस्युपुं दयकेगुलि बः बियो वयो च्वंगु खौं काडः दिल ।

थौया चीनया जग सहकारी खः धायो दिसे सहकारी संस्था तयसं ख्यँ छैगु थासय् लाय छ्यलय् मःगु खौं नपां अपलं लोभ याड लाय छ्यःसा संस्था गालय् दुनय् फः धायो दिल ।

सहकारी कः मिपुं सक्षम जूसा न्ह्याथिन्योगु पंगःनं अःपुक ज्यंकय् फँगु खौं ब्याकसे धेबाया ज्या याइगु थासय् तस्कं संवेदनशील जुयो ज्या सानय् मः वयकलं धायो दिल ।

ख्वप नगरपालिकाया प्रमुख प्रशासकीय अधिकृत विजय कुमार शर्मा जुं सहकारीसं वित्तीय अनुशासन दयकःतयूता लेखापरीक्षण तालिमं गवाहाली याइगु खौं ब्याकसे हलिमय आर्थिक मन्दी वयो च्वंगु इलय सहकारीं ख्यँ मछ्वैगु थासय् लाय छ्यलय् मज्यु धायोदिल ।

आर्थिक समितिया दुजः पुरुषोत्तम तमखुं सहकारीया धेबा हःनय लाथाय् छ्यः सेलिं सेंड वगु खौं काडः दिल । ज्या इवःसं आर्थिक समितिया दुजः नारायण प्रसाद त्वानाबासु व तालिमया सहजकर्ता तुल्लि हरी प्रजापति नं न्वचु तयो द्युगु खः ।

## खप नगरपालिकाया २०८०/८१ या बजेट सर्वसम्मति पारित

असार २० गते



खप नगरपालिकाया प्रमुख सुनिल प्रजापतिया नायो सुई च्वंगु हिप्यकगु नगरसभाया बैठक आर्थिक विधेयक २०८० विनियोजन विधेयक नपां या आ. व. २०८०/८१ या लागिं खप नगरपालिकाया बजेट सर्वसम्मतिं पारित यात ।

खप नगरपालिकाया उप-प्रमुख रजनी जोशीं असार १० गते खप नगरपालिकाया लागिं २ अर्ब २६ करोड ८५ लाख ९४ हजारया बजेट पिब्वगु खः ।

सभापाखं नगर प्रमुख प्रजापति जुं आ.व. २०८०/८१ या लागिं खप नगरपालिकाया बजेटया खाँ सल्हाबल्हा यासे वगु सुभावात न्यड, न्यंगु न्ह्यसः नपां समर्थन व ग्वाहाली याडः द्यगुलिं सभासद् पिन्ता सुभाय देछायो दिसे ता ई निसें पिडः च्वंगु खप विश्वविद्यालय निः स्वानय्ता संसदं विधेयक पारित याकय्ता खप नगरपालिकां मदिक कृतः याडः च्वनय्गु खाँ काडः दिल ।

वयकपिसं ऐतिहासिक भ्रष्टाचार विरोधी आन्दोलनया

लुमन्ति सदाचारिता व मितव्ययिताया खाँ जनप्रतिनिधिपुं सचेत जुय मःगु खाँ ब्याकः दिल ।

बजेटया विषय न्यंगु खाँया लिसः बियो दिसे उप प्रमुख जोशी जुं नगरया फुक्क वडाय शिशु स्याहार केन्द्र तयगुलि मः काथंया अध्ययन जुयो, कृषिता हछ्याय्ता कृषक सूचीकरणया ज्या हछ्याड च्वंगु, करया चाकः ई काथं तःब्याकः यंकय्गु, संस्थागत क्षमता विकासया लागिं मः काथंया व्यवस्था याडः वयागु नपां थी थी थासय् सि सि क्यामरा तय्गु, सडक बत्ती (लाँय लाँय मता) तयो शान्ति सुरक्षाया नितिं मः काथं ज्या जुयो च्वंगु खाँः ब्याकः दिल ।

उगु बैठकं खप नगरपालिकाया सिं, अपा, पोल्हँ अपा न्याय्गु सम्बन्धी कार्यविधि २०७५ सं संशोधन प्रस्ताव व खप नगरपालिकाया लेखासम्बन्धी प्रतिबेदन २०८० नं सर्वसम्मतिं पारित यात ।

### अभिमुखिकरण ज्या इवः

असार २० गते

खप नगरपालिकापाखं न्ह्याकः च्वंगु छँ छँ नर्सिङ्ग ज्या साड च्वंपुं वडा नर्स व मिसापुं स्वास्थ्य स्वयमसेविकापिनि पाखं खप नगरपालिका वडा नं ७ गोलमढीसं ब्लड, सुगर जाँचय् याडः अभिमुखिकरण ज्या नं यागु जुल ।



# विकास कोषया धेबा नगरपालिकाय्

असार २१ गते

सिद्धिगणेश बचत व ऋण सहकारी संस्था लि. व संगम बचत व ऋण संस्था लि. पाखं सामुदायिक विकास कोषय मुडः तःगु धेबाया बच्छी धेबा नगर प्रमुख सुनिल प्रजापति जु याता लः ल्हाडः बिल ।



वयकलं जनताया स्वास्थ्य हदाय तयो ज्या साड च्वंगु खप नगरपालिकाता सहकारी संस्था सामुदायिक विकास कोषया निश्चित धेबा इलय हे विय हः गुलिं सुभाय देछासे मुनय् हःगु धेबा जनताया भिं ज्याखय् छ्यलय्गु बचं बियो दिल ।

वयकलं खप अस्पतालं अः तकखय् स्वास्थ्य बीमा बोर्डपाखं १० करोड ५५ लाख खुइनेद्व व स्वस व पीन्हयर्का व हिंप्यंग धेबा कायमनिगु खाँ ब्याकसे जनताता अपुक स्वास्थ्य सेवा वियया लागिं सामुदायिक विकास कोषया धेबा खप अस्पताल पाखं स्वास्थ्य सेवाखय् खर्च याय्गु खाँ ब्याकः दिल ।

खप नगरपालिकाया खाताय् अः तकखय् थी थी सहकारीत सिद्धि गणेश साकोसं ९ लाख तका, संगम साकोसं १ लाख ५० द्र



तका, भक्तपुर श्रामिक बचत व ऋण सहकारी ७२ द्र व प्यस व न्हयडाका, सहलह बचतं हिं गुद्र व खुस व गवीका, नपुखु बचतं डय्स्वद्व व न्हयस व पी खुर्का श्वेत भैरव बचतं गुद्र स्वद्व व न्हयस व पी डाका व न्हयखुगः पल्पसा बचतं नी स्वद्व व प्यस व नीछर्का, सुरक्षित बचतं हिंगुद्र व नेस व चय्डाका, थालाछँ वचतं हिंगुद्र व डय्छर्का दां मुनय् हःगु जुल ।

अथेहे नवीन कृषि सहकारी हिद्र, लक्ष्य वचतं हिद्र व डासः बेखाल बचतं नीस्वद्व व नेस व डय् न्हयर्का, जय भीमसेन बचतं हिं खुद्र व सच्छि व स्वीप्यर्का, अभियान बचतं हिं छद्र व सच्छि व चय् खुर्का, न्हँगु भीगु बचतं खुद्र व खुस व गुइडाका व डय् स्वंगः, चाखः बचतं स्वीप्यद्व व सच्छि व चय्डाका दुतिंगु जुल । अः तकः उगु खाताय् हिंप्यंगु लाख, खुइस्वद्व व स्वस व न्हयछर्का व नीगूगः धेबा मुंगु जुल ।



अथेहे थी थी सहकारी संस्था पाखं सामुदायिक विकास कोष या बच्छी धेबा खप नगरपालिकाता लःल्हाय्गु भ्क्वलय चोछँ छुमा गणेश बचतं ७०,१९०।- तका, भिन्तुना बचतं १,२७,६३२।- तका, लोकेश्वर बचतं ९१,५००।- तका, खप बचतं ९,९८४।- तका व भीगु खप बचतं ८६,८२४।- तका दां खप नगरपालिकाता ल ल्हाडः ब्यगु खः ।

श्वनं हाँ खप नगरपालिकां २०८० बैशाख ८ गते खप नगरपालिका दुनय चाय्कः तःगु सहकारी संस्थाया पदाधिकारी नपां छलफल याडः २०८० बैशाख २१ गते च्वंगु खप नगरपालिकाया कार्यपालिकाया बैठकं क्वः छय्काथं आ.व. २०७८/७९ सं सहकारी संस्थाय् मुडः तःगु सामुदायिक विकास कोषया बच्छी धेबा खप नगरपालिकाया नेपाल बैंक लि. कमल बिनायकया खाता नं. ०१९०३००००१००१००००३ खय् मुकः भौचर लेखा शाखाय बुभय् याय्ता अनुरोध यागु खः ।

# थी थी तालिमयायुपिन्ता दसिपौ

असार २१ गते

खप नगरपालिकाया गवसालय जूगु खुलाया बुटिक, खुलाया साँ च्याकयुगु, प्यलाया ज्वरयु गायुगु (पाक शिक्षा), खुलाया आधारभूत सुज्या सुयगु तालिमया सयकामिपिन्ता दसिपौ लः ल्हायगु ज्या शुक्रवार जुल ।



ज्या इवःसं प्रमुख प्रजापति जुं लाहातय ज्या दःपुं गुब्ले ज्या मरु दक चवनय् म्वालिगु नपां थःगु तुतिखय् दानय् फैगु खाँ ब्याकसे खप नगरपालिकां थी थी लाहातय ज्या दैगु तालिम ब्यसेलिं नगरबासीपुं थःगु तुतिखय् दानय्ता ग्वाहाली जुइगु खाँ काडः दिल ।

शिक्षित समाजं समाजता भिंगु लाँपुं डाय्किगु खाँ ब्याकसे वयकलं संगत भिंसा भिंगु व्यवहार व अनुशासन स्यनिगुलिं न्हूगु पुस्ताता खःगु लाँपु क्यनय्ता अभिभावक पिसं व शिक्षक पिसं मेहनत याय्मः धायो दिल ।

खप देता ज्ञात विज्ञानया मू थाय् दयकेगु तातुडः पू वांकय्ता खप नगरपालिकां ई काथंया ज्या इवः ता बः बिसे हलिमय स्वय हायपुगु सहरकाथं खपदे हज्याडः च्वंगु खाँ प्रमुख प्रजापति जं काडः दिल ।

खप नगरपालिकाया उपप्रमुख रजनी जोशी, खप नगरपालिकां मिसा मिजं दक मपाकय्ता मिसा तय्ता राजनीतिक, सामाजिक व आर्थिक रूपं हछ्यायगु मतिं मिसातय्ता हछ्यायगु तालिमत वियो वयो च्वडागु खाँ ब्याकसे दे, समाज हछ्याय्ता मिसातय्गु लाहा दैगु खाँ नपां खप देता ज्ञान विज्ञानया मू थाय् दयकेता मदिकक न्ह्याडः चवनय्गु खाँ काडः दिल ।

वडा नं ९ या वडाध्यक्ष रबिन्द्र ज्याख्वं स्थानीय सरकार

जनताया लुखा हनय्या सरकार जूगुलिं थःपुं नागरिकपिन्ता सीपंजाय्कः थःगु तुतिखय् दानय् फय्केता खप नगरपालिकां थी थी तालिमत वियो वयो च्वंगु खाँ ब्याकः दिल ।

प्रमुख प्रशासकीय अधिकृत विजय कुमार शर्मा लाहातय ज्या दैगु तालिमं देया अर्थतन्त्रता चलायमान याडः तइगु नपां खप दे नपां खपदेता थःगु तुतिखय् दानय् फय्की धायो दिल ।

दसिपौ लःल्हायगु ज्या इवः सं कार्यपालिकाया दुजः रोशन मैया सुवाल व वडा नं ४ या दुजः बिष्णु केशरी दुवाल पिसं थगु लाहातय ज्या दैगु तालिमं थःगु तुतिखय् दानय् फैगु विश्वास प्वंकः दिल ।

ज्या इवः सं प्रमुख प्रजापति जु, उप प्रमुख जोशी व प्रमुख प्रशासकीय अधिकृत शर्मा जुं खुल्लाया बुटिक तालिम कःपुं २२ म्हा खुल्लाया आधारभूत सुज्या सुयगु तालिमकःपुं २२ म्हा, खुल्लाया साँ च्याकयुगु तालिमया २१ म्हा, प्यलाया ज्वरयायुगु तालिमया १६म्हा याड ८५ म्हासिता दसिपौ लःल्हाडः दिल । तालिमया स्यनामि व च्वजपुं सयकामिपिन्ता

नगरपालिकाया पिथनात उपहार काथं व्यूगु खःसा वडा नं. ८ या दुजः सुमित्रा बोहजु व सुज्या सुयगु स्यनिम्हा धर्मलक्ष्मी लधुं नं न्वचु तयो द्यगु खः ।

## तालिम क्वचाल

खप नगरपालिका वडा नं. १० या गवसालय जूगु प्यन्ह्या प्राङ्गारिक कृषि खेती तालिम असार २२ गते क्वचाल ।



## वागमती प्रदेशया स्वास्थ्य मन्त्री जोशी ख्वप अस्पतालया

असार २२ जाते

वागमती प्रदेशया स्वास्थ्य मन्त्री उत्तम जोशी शुक्रवार ख्वप नगरपालिकां चाय्क तःगु च्याम्हासिंगया ख्वप अस्पताल व ब्रम्हायणी च्वंगु ख्वप अस्पतालया अंतरंग सेवा आना हे वाड स्वयो दिल । वयकता ख्वप नगरपालिकाया प्रमुख सुनिल प्रजापति जुं तकातपुली पुइकः खादा क्वखाय्क, स्वम्हु बियो लसकुस याडः



द्यूगु खः ।

मन्त्री जोशीं अस्पतालया इमर्जेन्सी सेवा, ल्याब सेवा, भिडियो एक्सरे सेवा, एक्सरे सेवा, अक्सिजनप्लान्तत स्वयो द्यूगु खः उगु इवल्य वयकलं ख्वप अस्पतालया उपचार याकः च्वंपुं बिरामीत नपालाड वयकपिनिगु स्वास्थ्य अवस्था, बियो च्वंगु सेवा व लिपाया योजना थुइकः दिल । मन्त्री जोशीं स्थानीय तहं स्वास्थ्यया लागाय् यागु योगदान च्वछाय्बहज्जुगु खाँ ब्याकसे ख्वप अस्पतालता ग्वाहाली याय्ता वागमती प्रदेश सरकार न्ह्याब्लें सकारात्मक जुगु नपां थुगु प्रदेशया अस्पतालत अज बांलाकय्ता हज्याय्गु नपां अः वैगु दिनय् नं ख्वप अस्पतालता मः काथं ग्वाहाली याय्गु बचं बियो दिल ।

उगु इवल्य नेमकिपा वागमती प्रदेशया सांसद सुरेन्द्रराज गोसाइँ, उप प्रमुख रजनी जोशी, ९ वडाया वडाध्यक्ष रबिन्द्र ज्याख्वः भक्तपुर अस्पताल व्यवस्थापन समितिया नायो रमन कायष्ठ व अस्पताल या निमित मेडिकल डाइरेक्टर मजेश प्रताप मल्लनं भायो द्यूगु खः ।

## भक्तपुर अस्पतालया ११९ कगु वार्षिकोत्सव

असार २२ जाते

वागमती प्रदेशया स्वास्थ्य मन्त्री उत्तम जोशीया मू पाहालय् भक्तपुर अस्पतालया ११९ कगु वार्षिकोत्सव ज्या इवः उलेज्या याडः दिसे मन्त्री जोशी अजनं बांलाय् मः धायोदिसे भक्तपुर अस्पताल देया उत्कृष्ट अस्पताल काथं हज्याडः च्वंगुलिता अजनं हछ्याय्ता प्रदेश सरकारं ध्यान तयो च्वंगु खाँ काडः दिल । वागमती प्रदेश सरकारं आ.व. २०८०/८१ या बजेटय् भक्तपुर अस्पतालय् सिटी स्क्यान न्याय्ता बजेट छख्य् लिइकागु खाँ ब्याकसे अस्पतालया स्टाफ, सञ्चालक समिति, जनप्रतिनिधि व फुक्क तहया सरकारया ग्वाहालीं भक्तपुर अस्पताल थौं या अवस्थाथ्यंगु खाँ ब्याकसे वयकलं अस्पताल अजनं बांलाक यंक्य मःगु नपां वागमती प्रदेशय् च्वंगु अस्पतालं ६५ दा च्वयया थाकालिपुं जेष्ठ नागरिक पिन्ता धेबा म्वाय्क (दन्त सेवा) वाँ या सेवा वियगु नीति कःगु खाँ ब्याक दिल ।

ज्या इवः सं ख्वप नगरपालिकाया प्रमुख सुनिल प्रजापति जुं अस्पताल सेवामुखी संस्था जुगुलिं अपलं जनताया निःस्वार्थी भावं सेवा याय्गु मतिं ज्या सानय् मःगु, सामुदायिक अस्पताल बांलासा निजी अस्पताल थाहाँ वय मफैगु अलय भौतिक संरचना स्वयो



स्वास्थ्य उपकरणत, चिकित्सकपुं व कर्मचारीपुं व्यवस्था याय्गु तहांगु ज्याखः धायोदिल ।

प्रमुख प्रजापति जुं ख्वप नगरपालिका १०० गू शैठ्याया ख्वप अस्पताल चाय्कः न्हिं च्यासः स्वयो अपः बिरामी पिनिगु सेवा निःशुल्क हि व अक्सिजन बियो वयागु खाँ ब्याकसे चिकित्सक व कर्मचारीपुं मिलय जुयो वांसां संस्था भन बांलाड लिपा थ्यंकः न्ह्याडः वानिगु नपां अपलं जनताया सेवा याय्गु मतिं विशेषज्ञ सेवा

ताँ तां यंकय् मः धायो दिल ।

अस्पतालया मे.सु. डा. सुमित्रा गौतमं भक्तपुर अस्पतालं अः फुक्क विषयया विशेषज्ञ सेवा बियो वयो च्वंगु खाँ ब्याकसे अः लिपानं च्व जःगु सेवा वियगु बचं बियो दिल । वयकलं भक्तपुर अस्पतालय् मथां हे सिटिस्क्यान सेवा वियगु नपां २०० गू शैय्या दयकेता वागमती प्रदेशं मःकाथं ग्वाहाली याइगु आशा प्वंकः दिल ।

अथेहे भक्तपुर अस्पताल सञ्चालन व व्यवस्थापन समितिया नायो रमन कायष्ठं वार्षिकोत्सव तः लाक, क्वः चःगुलिं मूपाहाँ व

## सच्छिव हिंस्त्रंगु स्वप पौ, बःछि पौ(पाक्षिक)

पाहाँ पिन्ता सुभाय् देछासे भक्तपुर अस्पतालया सेवा अजनं च्वजाय्केता अस्पतालया सकलें छपुचः जुयो हज्यायगु खाँ काडः दिल ।

उगु ज्या इवः सं वागमती प्रदेशया सांसद सुरेश श्रेष्ठ, मा. भुवन केशरी श्रेष्ठ, मा. धनेश्वरी प्रजापति, वागमती प्रदेशया मुख्य मन्त्रीया राजनीतिक सल्लाहकार डि.पि. ढकाल, पत्रकार महा संघया नायो जगत प्रजापति नं न्वचु तयो द्यूगु खः ।

उगु ज्या इवः या लसताय मू पाहाँ स्वास्थ्य मन्त्री जोशी जुं अस्पतालया चिकित्सक व कर्मचारीपिन्ता हानेज्या याडः दिल ।

# महाकाली लागाया साधारण सभा

असार २३ गते

ख्वप नगरपालिकाया प्रमुख सुनिल प्रजापतिया मू पाहाँलय् 'महाकाली क्षेत्र संरक्षण समिति' या साधारण सभा शनिवार जुल । उगु सभासं प्रमुख प्रजापति जुं नेपाल मजदुर किसान पार्टीया घोषणा-पत्र काथं हे अरनिको सभाभवन दानय्ता ख्वप नगरपालिकां बजेट छखय् लिइकगु खाँ ब्याकसे थुगुसी संघ व प्रदेश नं थुकिता बजेट छखय् लिइकगु खाँ ब्याकः दिल ।

आदर निकेतनया भवन दानय्ता ज्या क्वचाइथें च्वंगु खाँ काडः दिसे वयकलं थुकिं जेष्ठ नागरिक पिनिगु सेवा जुइगु नपां कोभिड भवलयया इलय नं ख्वप नगरपालिकां मग्यासैं राहत ब्यूगु, नपां शिक्षा व स्वास्थ्य जक मखुसे कोभिड ल्वय पानय्ता नं उलि हे ज्या सांगु खाँ कुलदिल ।

महाकाली क्षेत्र संरक्षण समितिया नायो नपां वडा नं ६ या वडाध्यक्ष हरिराम सुवाल थुगु थाय् धार्मिक आस्थाया थाय् जुगुलिं थुगु थाय्ता जनताया भावना थुइकः लिपा थयंकया योजना स्वयो थुगु थासय् विकास याय्ता ख्वप नगरपालिका व वडा हज्याड च्वंगु खाँ ब्याकः दिल ।



कार्यपालिकाया दुज, रोशन मैयाँ सुवाल नगरपालिकां याड च्वंगुः ज्यात काडः दिलसा समाजसेवी गोपीकृष्ण चांगुभारी राजेश दिस्ती व भीम लाल सुवाल नं न्वचु तयो द्यूगु खः ।

अथेहे प्रगति प्रतिवेदन समितिया दुजः पुरुषोत्तम दथेपुथे व आर्थिक प्रतिवेदन न्हुच्छेराम खाइतुं पेशयागु खः सा हरिराम सुवालया सभानायोलय् न्हूगु कार्य समिति नं निस्वांगु जुल ।

## चिनियाँ प्रतिनिधिमण्डल ख्वपय्



असार २४ गते

ख्वप नगरपालिकाया प्रमुख सुनिल प्रजापति जु नपां जनवादी गणतन्त्र चीनया सानतोड प्रान्तया हुआन थाई नगरपालिकाया प्रतिनिधिमण्डल पुचलं आइतबार नपा लाडः दिल ।

नपा लाय्गु इवलय वयकपिनि दश्वी ख्वपया शिक्षा, स्वास्थ्य पर्यटनया विषय छलफल जुल । उगु इलय ओभरसिज चाइनिज एशोसियन पोखरा नेपालया लुमिड हुई, युन सान, काओ कुइटो छेनजिबल वेड, सुन बेई, भायहिलामि सुदर्शन नेपाल व सुस्मिता पौडेल नं भःगु जुल ।

## ख्वप विश्वविद्यालयया खाँ सरकार त्वाप्वः तिडःच्वनः

असार २४ गते

ख्वप नगरपालिकाया प्रमुख सुनिल प्रजापति जुं शनिवार ग्वसः ग्वगु छगू समारोहसं ख्वप नगरपालिकां फ्वडः च्वंगु व सांसदपिनिगु लाहातय-लाहातय विधेयक इडः ब्यूगु ख्वप विश्व विद्यालय निःस्वानय्गु विषयसं सरकारं म्हतु प्वः तिडः च्वंगु जनताया भावनाता न्हूयो छ्वगु खः धायोदिल ।



ख्वप नगरपालिका वडा नं ९ या जनप्रतिनिधिपुं कर्मचारी, सफाई मजदुर नपां स्वास्थ्य स्वयंसेविका पिनिगु पारिवारिक मुनय्ज्यासं नगर प्रमुख प्रजापति जुं सरकारया महितां स्वइगु ज्यायाता कुखिड दिसे जनस्तरं हे ख्वप विश्व विद्यालयया लागिं पूर्वाधार दयक-दयकं यंकेगु खाँ काड दिल । वयकलं ख्वपया जनताया मति म्हवचा धेबां बांलाकः, भिकः चिकित्सा शिक्षा नपांया ख्वप विश्वविद्यालय निःस्वानय्गु खः धायोदिल ।

न्हूगु आ.व. या वजेट वक्तब्यसं वागमती प्रदेश सरकारं नपां ख्वप नगरपालिकाता विशेष व समपूरक अनुदान मब्यूसैं पाकः व्यवहार यागु खाँ कुल दिसे ख्वप नगरपालिकां सुयाय्कें लाहाफयो मखु जनताया साथ नपां ग्वाहालीं सम्पदा ल्यंकः म्वाकः विकासया

ज्यात हछ्याड च्वंगु खः धायोदिल ।

ख्वपया गरीब व ज्यासाड, नैपुं जनतां दुःख याडः शिक्षा व स्वास्थ्य उपचारया सेवा हछ्याडः यंकः च्वंगु खाँ ब्याकसे वयकलं न्हूगु पुस्तां अग्रज पुस्ताता सम्मान याय्गु संस्कार ब्वलांकय् मः धायोदिल । अग्रज पिनिगु मेहनतं चाय्कः तःगु ब्वनय् कुथि अःपुक ब्वनय्गु, अस्पतालय् उपचार याकय् दःगु न्हूगु पुस्ताया गौरव खः धायोदिल ।

ख्वप नगरपालिकाया उप-प्रमुख रजनी जोशी देशय् दकलय् न्हःपां छँ छँ नर्सिड न्ह्याकगु खाँ ब्याकसे छम्हा छम्हा नगरबासी पिनिगु स्वास्थ्य प्रोफाइल दयकेगु इवल्य दःगु खाँ ब्याकसे नेपाल मजदुर किसान पार्टीया नायो भाजु नारायणमान बिजुक्छँ (रोहित) जुं च्वयो द्यूगु 'सच्छिद्व लिपाया ख्वप दे' ख्वपया जनताया लागिं लाँपु क्यनिगु साफू खः धायो दिसे ख्वप दे फुक्कसिया लागिं शिक्षा, स्वास्थ्य, सम्पदा ल्यंकः म्वाकः तय्गुया लागिं उत्कृष्ट गन्तब्य काथं जुयो च्वंगु खाँ ब्याक दिल ।

ख्वप नगरपालिका वडा नं ९ या वडाध्यक्ष रवीन्द्र ज्याख्व जुं वडावासी पिनिगु मतिकायं ज्या सानय्ता जनप्रतिनिधि व कर्मचारीपिनिगु दथवी भावनात्मक काथं छप्पा छधि जुयो हज्याय्मःगु खाँ ब्याकः दिल । वयकलं स्थानीय तहया छगू छगू ज्या इवः त जनतां क्वथिइक स्वयो ल्यज्या याडः च्वंगु खाँ ब्याकसे वयो च्वंगु सुभावं जनप्रतिनिधिपिन्ता ज्या सानय्ता मन क्वसःगु खाँ ब्याकः दिल ।

कार्यपालिकाया दुजः छोरी मैयाँ सुजखुं ज्या इवः याय् मःगु या खाँ ब्याकसे सामाजिक उत्तरदायित्व थुइकः राजनैतिक चेतनां ग्वाकः हज्याय् मः धायोदिल ।

ज्या इवःसं वडा प्राविधिक अर्हत बज्राचार्य जुं वडाय् जूगु विकास निर्माणया ज्या इवः नपां वडा नर्स दिव्या सुवालं वडाबासीपिनिगु स्वास्थ्य अवस्था क्यडः दिल ।

## एभरेष्ट स्कूलया ब्वनामिपुं ख्वप नगरपालिकाय्

असार २४ गते

एभरेष्ट इङ्गलिश स्कूलया ब्वनामिपिसं सामाजिक अध्ययन व मानव मूल्य शिक्षा, विषयसं थुइकेगु मतिं आइतबार ख्वप नगरपालिकाय् अध्ययन भ्रमण यागु जुल । उगु स्कूलया डागू तगिया ११५ म्हा ब्वनामिपुं ख्वप नगरपालिकाया प्रमुख सुनिल प्रजापति जुं नपालाडः शिक्षा, स्वास्थ्य, सम्पदा ल्यंकः म्वाकः तय्गु विषय, सुचुकुचु थजगु ख्वप नगरपालिकां याडः च्वंगु ज्या इवः त न्यडः थुइकल ।





## सफाइ मजदुरपुं मुंकलः

असार २६ गते

ख्वप नगरपालिकाया गवसालय ख्वप नगरपालिकाय ज्या सानिपुं सफाइ मजदुरत मुंकःसे ख्वप नगरपालिकाया प्रमुख सुनिल प्रजापति जुं भीगु ख्वप दे सुचुकुचु याडः तय्गु ज्या सफाइ मजदुर तय्गु जुगुलिं थाकु मचः सें सुचुकुचु याय् मःगु खाँ व्याकः दिल ।



ज्या धाय्गु तःहाँ चिच्याहाँ दै मखु धायोदिसे वयकलं ज्यायाता सम्मान याडः भीगु ख्वप देता हलिमय दकलय बांलागु स्वय हाय्यपुगु सहर दय्केगु मतिं हज्याडः चवडागु खाँ काडः दिल ।

ख्वप नगरपालिकां सुकुल धवाका निसें तःमारी बजार तक हरियाली (वाउँक तय्गु) व्यवस्था याय्गु काथं ज्या न्ह्याकः चवडागु

ख्वप नगरपालिकापाखं चायक तःगु ख्वप अस्पतालय  
असार २१ गते ४७ दा दःमहा छ्हा मिसाया  
अण्डाशयया ट्यूमर शल्यक्रिया याड लिकाल ।



खाँ ब्याकसे वयलं कर्मचारी थःता जक भिं जुइगु मखुसैं संस्थाता भिं जुइगु काथं ज्या याय्मःगु खाँ काडः दिल ।

ख्वप नगरपालिकां ध्वगिइगु फोहरत मुडः नेपाली सः दय्क भाति भाति आम्दानी याडः च्वंगु खाँ ब्याकसे प्रमुख प्रजापति जुं पर्यटकीय नगर ख्वप देशय् पर्यटकत अपलं दुकाय्ता न्ह्याब्लें यच्चु पिचुक सफा याडः तय्मः धायो दिल ।

ख्वप नगरपालिका वडा नं ९ या वडाध्यक्ष रबिन्द्र ज्याख्व जुं फोहार ज्या सानिपुं सफाइ मजदुरतयता थी थी लोचं कैगु सम्भावना थुइकः थःगु स्वाथ्यता विचः याडः जुयमः धायोदिसे ख्वप नगरपालिकां फोहर काय्गु ज्या याइपुं मजदुरपिन्ता मः काथंया सामग्रीत बियो वयो च्वंगु खाँ ब्याकसे वयकलं सफाइ मजदुरं सेवा भावं थः भः पियो ज्या साडः ख्वप देता स्वय हाय्यपुकः बांलाकः तयता न्ह्याब्लें तयार जुयो च्वनय् मः धायो दिल ।

ख्वप नगरपालिकाया प्रशासकीय अधिकृत दामोदर सुवालं स्थानीय तहया न्हापांगु ज्या सुचुकुचु हे खः धायोदिसे थानाया सुचुकुचु खय् सफाइ मजदुर पिनिगु तहांगु लाहा दःगु खाँ ब्याकसे थुकिता च्व जायकेता मदिकक ज्या सानय मः धायोदिल ।

थुगु ज्या इवः सं स्यानिटेसन शाखाया प्रमुख दिलिप कुमार सुवालं सफाइ मजदुर पिनिगु ज्या पा काडः दिसे फोहर मुनिपुं सफाइ मजदुर पिसं थःगु ज्यू याय् नं विचः याय् मः धायोदिल ।

## स्वःभालः

ख्वप नगरपालिकाया बजेटं ख्वप नगरपालिका वडा नं ६ अँचा पुखुया पश्चिमपाखय् दाड च्वंगु 'आदर निकेतन भवन' ख्वप नगरपालिकाया प्रमुख सुनिल प्रजापति आना हे भायो अःतकया ज्यात गुलिसिधला, छु जुयो च्वना धाय्गु स्वयो सिइकः दिल ।



## हिंप्यकगु नगरसभा चालु

असार २५ गते

ख्वप नगरपालिकाया प्रमुख सुनिल प्रजापतिया नायो सुई ख्वप नगरपालिकाया हिंप्यकगु नगरसभा थौ नं न्ह्यात ।

नगरसभाया सोमवार च्वंगु बैठकं ख्वप नगरपालिका पाखं चायकः तःगु शैक्षिक संस्थात, ख्वप अस्पताल, देको मिबा इटापाके आवास योजना नपां लेखा समितिया प्रतिवेदन २०८०



छप्वा म्हुतुं पारित यात ।

अथेहे ख्वप नगरपालिका न्यायिक समितिया प्रतिवेदन व ख्वप नगरपालिकाया तलबी प्रतिवेदन, ख्वप नगरपालिकाया वार्षिक खरिद योजना नपां थीथी प्रस्तावत नं नगरसभां छप्वाम्हुतुं पारित यात ।

सभापाखं नगरप्रमुख प्रजापति जुं कानूनं स्थानीय तहया बेरुजु फछ्यौटया अधिकार नगरसभाता ब्यूगु खाँ काडः दिल । बैठकसं न्यायिक समितिया कजि रजनी जोशीं न्यायिक समितिया प्रतिवेदन, लेखा समितिया कजि हरिप्रसाद बासुकलां लेखा समितिया प्रतिवेदन, वडा नं ९ या वडाध्यक्ष रविन्द्र ज्याख्वं ख्वप नगरपालिकाया कर्मचारी पिनिगु तलबी, प्रतिवेदन ख्वप नगरपालिकाया वार्षिक खरिद योजना नपां थी थी प्रस्ताव व विधायन समितिया कजि हरि राम सुवालं स्थानीय सेवा (कर्मचारी) गठन, सञ्चालन व व्यवस्थापन सेवा सर्त व सुविधायी नितिं विधेयक- २०८० छलफलया लागिं सभासं ब्वयो दिल ।

सभाया मेगु बैठक असार २९ गते शुक्रवार ९:०० ताइलय च्वनयगु याडः दिक् यात ।

## ख्वप नगरपालिकाया हिंप्यकगु नगरसभा क्वचाल

२०८० असार ५ गते निसें न्ह्याकगु ख्वप नगरपालिकाया हिंप्यकगु नगर सभा असार २९ गते शुक्रवार क्वचगु नगर सभाया सभाध्यक्ष नपां ख्वप नगरपालिकाया प्रमुख सुनिल प्रजापतिया नायो सुई च्वंगु बैठकं स्थानीय सेवा (कर्मचारी) गठन, सञ्चालन व व्यवस्थापन, सेवा, शर्त व सुविधा सम्बन्धसं दयकगु विधेयक २०८० छप्वाम्हुतुं पारित यात ।

सभापाखं सभाया नायो प्रजापति जुं हिंप्यकगु नगरसभाया मू पाहाँ, विशेष पाहाँ, पाहाँ पुं, बुद्धिजीवी, सञ्चार कःमि, कर्मचारी नगरवासी नपां हिंप्यकगु नगरसभा तः लाक, धिसिलाक क्वचाय्केता ग्वाहाली याडः द्युपुं सभासदपिन्ता नं सुभाय देछायो दिल ।

ख्वप देता लिपा थयंकया बिचः याडः हछ्यायगु कुतः याडः च्वडागु खाँ ब्याकसे प्रमुख प्रजापति जुं कर्मचारीपिन्ता थःगु जक भिं जुइगु मस्वसें जनताता भिं यायगु भावना नपां मः काथं संस्थाता भिं यायगु ज्या यायता घ्वाडः दिल ।

थौ पारित जूगु च्वय, न्हिथाडागु विधेयक जूगु छलफल्य सभासद रामसुन्दर बासीं अस्थायी करार व ज्यालादारी कर्मचारी पिनिगु बारे नं विस्कं ऐन ह्यमःगु अस्थायी ज्यालादारी व करारया कर्मचारीपिनिगु नं मुत्यु संस्कार व सुत्केरी विदा दयमःगु बिचः प्वंकदिल । अथेहे सभासद हेरा ख्याजुं कर्मचारीपिनिगु पद मिलान याय मःगु कर्मचारी पिनिगु क्षमता व दक्षतां अज जाय्केता सेवा कालीन अध्ययनया ब्यवस्था याय मःगु धायो दिलसा सभासद नारायण



प्रसाद त्वानाबासुं प्रदेश कानून नपां मल्वाइगु याडः स्तर बुद्धिया ब्यवस्था याय मःगु नपां कर्मचारीपिन्ता अध्ययन विदाया ब्यवस्था दयमः धायोदिल । सभासद पुरुषोत्तम तमखुं करार व अस्थायी कर्मचारीपिनिगु जायज माग त न्यडः ज्या न्ह्याक्य मःगु कर्मचारीपिसं राजनीति याय मज्यु धायगु खाँ स्पष्ट याय मः धायो दिल । अथेहे सभासद श्याम सुन्दर मातां जुं कर्मचारी पिन्ता कानूनं ब्यूथें विय फैगु सुविधात विधेयक्य च्वय मःगु सभासद सिद्धिराम अवालं तहविहीन कर्मचारीया परिभाषाया ब्याख्या बांलाकः याय मःगु खाँ ब्याकः दिल ।

उगु सभासं ख्वप नगरपालिका वडा नं. ९ या वडाध्यक्ष रविन्द्र ज्याख्व जुं हिंप्यकगु नगर सभाया वःचा हाकलं प्रतिवेदन पिब्वयो दिल ।

## आधारभूत स्काउट मास्टर तालिमसं

(२०८० असार १७ गते)



## ख्वप नगरपालिकापाखं दय्क च्वंगु आदरनिकेतनया निरीक्षण

(२०८० असार २३ गते)



वागमती प्रदेशया स्वास्थ्य मन्त्री जोशी ख्वप अस्पतालय्

(२०८० असार २२ गते)



चिनियाँ प्रतिनिधि मण्डल ख्वप नगरपालिकाय्

(२०८० असार २४ गते)

